



2015/5

GULISTON*ijitimoiy-siyosiy, ilmiy-badiiy, madaniy-ma'rifiy jurnal**Jurnal 1925-yildan chiqa boshlagan***Muassis:**

**O'zbekiston Respublikasi
Madaniyat va sport
ishlari vazirligi**

Bosh muharrir:

Minhojjiddin MIRZO

Tahririyat:**Bosh muharrir o'rincbosari:**

Temur A'ZAM

mas'ul kotib:

Komil JONTOYEV

fotomuxbir:

Mashrab NURINBOYEV

sahifalash va dizayn:

Nigina QODIROVA

navbatchi muharrir:

Nilufar HAYITOVA

Jamoatchilik kengashi:**Muhammad ALI**

O'zbekiston Yozuvchilar
uyushmasi raisi

Fotih JALOLOV

O'zbekiston Respublikasi
Madaniyat va sport ishlari
vazirining birinchi o'rincbosari

Suvon NAJBIDDINOV

«Matbuot tarqatuvchi»

AK Bosh direktori

Abduvahob NURMATOV

Andijon viloyati hokimligi
mas'ul xodimi

Baxtiyor SAYFULLAYEV

O'zbekiston davlat san'at va
madaniyat instituti rektori

Norbek TOYLOQOV

Pedagogika fanlari doktori,
professor

Rustam QOSIMOV

«O'zbekiston pochtasi»

OAK Bosh direktori

E-mail:gulistonjurnali@inbox.uz

USHBU SONDA:*Manzura SHAMS**Ilm yo'lida ustoz,
hayot yo'lida ibrat**Ahmadjon MELIBOYEV**Ma'naviy komillik belgisi**Ikrom OTAMUROD**Balki...**Xay XING**Siz yashashingiz kerak**Muxtor XUDOYQULOV**Bori elg'a yaxshiliq qilg'ilki,
mundin yaxshi yo'q...**Halima AHMEDOVA**Sen borsan**Anvar QURBONOV**Raqslar og'ushida*

Jurnal O'zbekiston Matbuot va axborot agentligi tomonidan 0517 raqamli guvohnoma bilan 18.03.2008-yilda ro'yxatga olingan.

Jurnal ikki oyda bir marta (bir yilda oltita) chop etiladi.

Mualliflar va tahririyat fikrlari farqli bo'lishi mumkin.

«Guliston» jurnalidan olingan materiallarda manba ko'rsatilishi shart.

Tahririyat barcha ijodiy ishlarni tahrir etishga haqli.

Bichimi 60x84¹/₈. Buyurtma № . Adadi: 1000 nusxa. Hajmi 6 bosma taboq.
Bosmaxonaga 08.10.2015-yilda topshirildi. Bosishga 08.10.2015-yilda
ruxsat etildi. Tahririyat manzili: Toshkent — 100000, Buyuk Turon ko'chasi,
41-uy. Tel.: 233-25-66, 233-27-94.

Jurnal «SHIDASP» MЧК bosmaxonasida chop etildi.

Manzil: Toshkent shahri, Shaxontohur tumani, Olmazor ko'chasi.



ЎЗБЕКИСТОН ЎҚИТУВЧИ ВА МУРАББИЙЛАРИГА

Қадрли устоз ва мураббийлар!

Аввалим, сиз, азизларни умумхалқ байрами — Үқитувчи ва мураббийлар куни билан чин қалбимдан табриклаб, барчангизга ўзимнинг чукур ҳурмат-эҳтиромим ва самимий тилакларимни изхор этаман.

Бу дунёда ҳар қайси онгли инсон — қаерда ишламасин, қандай касбу кор, лавозим эгаси бўлмасин, унга билим ва тарбия бериб, ҳаётга йўллаган мұхтарам үқитувчи ва мураббийлари олдида ҳамиша қарздорлик хисси билан яшайди.

Ҳақиқатан ҳам, ўзининг кўз нури, қалб қўри, бутун борлигини бағишилаб, барчамизга эзгуликдан сабоқ берган, отадек мўътабар, онадек меҳрибон сиз, азиз устозларнинг ҳеч нарса билан ўлчаб, баҳолаб бўлмайдиган машаққатли ва шарафли меҳнатингиз учун ҳар қанча таҳсин ва ташаккурлар айтсан, арзиди.

Мухтарам үқитувчи ва муаллимлар!

Ўзбекистонимиз ўз мустақиллигини кўлга киритиб, тарихан қисқа даврда, ҳалқимизнинг фидокорона меҳнати ва матонати билан дунё миқёсида «ўзбек модели» деб тан олинган, ўзимизга хос, ўзимизга мос тараққиёт йўлини амалга оширганимиз ҳисобидан бугунги кунда шаҳар ва қишлоқларимиз, бутун юртимиз қиёфаси тубдан ўзгариб, аҳолимизнинг ҳаёт дараҷаси ва сифати тобора юксалиб бораётгани барчамизга мамнунлик бағишилаб, яқин ва узоқ кўшниларимизнинг ҳавасини тортмоқда, десак, айни ҳақиқатни айтган бўламиз.

Бундай барқарор суръатлар билан ривожланишга еришиш учун биз қандай оғир йўлни босиб, турли синов ва қийинчиликларни, ғов ва тўсикларни енгиг ўтганимиз, бугунги юксак мэрраларни кўлга киритишида ҳал қилувчи роль йўнаган омил ва мезонлар ҳақида албатта кўп гапириш мумкин.

Бу ҳақда сўз юритганда, аввалим, амалда ўзини оқламаган эски мустабид тузумнинг қолип ва ақидаларидан бутунлай холи бўлган, тез ва шиддат билан ўзгариб бораётган замон билан ҳамқадам бўлиб, янгича, мустақил фикрлайдиган, тараққий топган давлатлардаги тенгдошлари билан беллашувга тайёр, изланиш ва доимо изланиш, фурур ва ифтихор билан яшайдиган янги авлодни тарбиялаш бўйича қандай улкан вазифаларни адо этганимизни яна бир бор эслашимиз ўринли, деб ўйлайман.

Ўз-ўзидан аёнки, биз мустақил ҳаётга қадам кўйиб, энг ривожланган мамлакатлар қаторига киришни, юртимизда демократик давлат, обод ва фарновон жамият қуришни мақсад қилиб қўйган эканмиз, бунинг учун аввало айни шундай буюк ишга қодир бўлган янги авлодни вояга етказмасдан туриб, бу

йўлдаги барча-барча ҳаракатларимиз пучга чиқиши муқаррар эди.

Бундан 18 йил олдин қабул қилинган Кадрлар тайёрлаш миллий дастури ва 2004 йилда тасдиқланган Мактаб таълимими ривожлантириш Давлат умуммиллий дастури, шу соҳада амалга оширган бошқа кенг кўламли ишларимиз нафақат таълим-тарбия тизимини, балки бутун жамиятимиз ҳаётини кескин ўзгаририб юборгани, ижобий маънодаги «портлаш эфекти»ни берганига бугун яққол гувоҳ бўлмоқдамиз, десак, айни ҳақиқатни айтган бўламиз.

Шу борада сизларга бир фикрни ҳеч иккиланмасдан айтишини зарур деб биламан.

Тарихий аҳамиятга эга бўлган бу дастурларни ишлаб чиқиш ва ҳаётга татбиқ этишда, уларни янада чукурлаштиришда, ҳозирги давр талабларига жавоб берадиган янги таълим стандартлари ва дастурларини, дарслик ва методик кўлланмаларни яратишида, энг муҳими, болаларимизга замонавий таълим ва тарбия бериб, уларнинг қалбига, юрагига етиб боришида сиз, ҳурматли устоз-мураббийларнинг хизматларингиз нақадар бекиёс бўлганини ҳалқимиз яхши билади ва юксак қадрлайди. Келажагимизни ҳал қиладиган ана шундай оламшумул ишга кўшган буюк ҳиссангиз учун ўзимнинг энг яқин маслаҳатчиларим ва маслакдошларим бўлган сиз, азизлардан умрбод миннатдорман ва барчангизга чин қалбимдан таъзим қиласман.

Ҳурматли дўстлар!

Бугунги кунда миллионлаб болаларимиз янгитдан барпо этилган ва реконструкция қилинган 10 мингга яқин мактабларда, 1 минг 556 та лицей ва коллежда, 70 дан зиёд олий ўқув юртларида янги таълим тизими асосида билим ва тарбия олиб, замонавий касб-хунарларга эга бўлиб ҳаётда ўз муносиб ўрнини топмоқда, мамлакатимиз таълим моделининг самараси ва рақобатдошлигини ҳалқаро майдонларда яққол намоён этмоқда.

Униб-ўсиб келаётган ўғил-қизларимиз юртимизда яратилган ноёб имкониятлардан баҳраманд бўлиб, илм-фан чўққиларини, хорижий тилларни, замон талаб қилаётган касб-хунарларни пухта эгаллаб, она Ватанимизга садоқатли, муносиб фарзандлар, унинг ишонган посбонлари, ҳимоячилари, биз бошлаган ишларимизнинг давомчиси бўлиб вояга етәётганини кўриш, уларнинг қувончига шерик бўлиш биз, отоналар, устозлар учун энг катта баҳт эмасми?

Қадрли юртдошлар!

Бугун биз бошимиздан кечираётган XXI аср, шиддат билан ўзгариб бораётган глобаллашув жараён-

лари, интеллектуал салоҳият, интернет ва ахборот-коммуникация технологиялари ҳал қилувчи аҳамият касб этётгани, жаҳон бозоридаги ракобат кўлами ва кескинлиги тобора шафқатсиз тус олаётгани ҳар қайси давлат, ҳар қайси ҳалқ олдига фоят муҳим ва ўтири талабларни кўймоқда. Бугун ҳаммамизга аён, ана шундай талабларни ҳисобга олиб, улар билан ҳамоҳанг бўлиб яшамасак, бутун борлиғимизни шу йўлда сафарбар этмасак, ҳеч шубҳасиз, биз умумбашарий тараққиётдан четда қолиб кетишимиз муқаррар.

Хозирги кунда замоннинг ўзи биздан эришган ютуқлар билан кифояланмасдан, янада юксак маралар сари қатъият билан боришни, шу йўлда ўз билим ва тажрибамизни, касб малакамиз ва маҳоратимизни муттасил бойитиб, такомиллаштиришни талаб этмоқда.

Шу маънода, умумтаълим мактабларининг моддий-техник базасини мунтазам равишда замон талаблари даражасига кўтариб бориш, педагогика университети ва институтларидаги ўкув жараёнларини танқидий баҳолаб, уларни юксак мезонлар асосида ташкил этиш, соҳага илғор таълим ва ахборот-коммуникация технологияларини янада кенг жорий этиш, бир сўз билан айтганда, педагог кадрларнинг янги авлодини шакллантириш бўйича ҳали кўп иш қилишимиз лозим.

Нега деганда, ўз ишидан қониқмасдан, доимо янгиликка интилиб, билим ва малакасини ошириш устида ишлайдиган, ҳаёт билан ҳамқадам бўлиб яшайдиган ўқитувчи ва муаллимларгина ҳар томонлама етук инсонларни камол топтиришга қодир бўлади.

Шу билан бирга, биз учун янги тизим бўлган академик лицей ва касб-ҳунар коллежларининг фаолиятини ташкилий-амалий, ўкув-методик жиҳатдан такомиллаштириш, шу мақсадда мавжуд ихтисослик йўналишларини қайта кўриб чиқиш, айнан мана шундай коллежларда таълим олаётган болаларимиз юртимизда барпо этилаётган, юқори технологияларга асосланган замонавий корхоналарда, кичик бизнес ва хусусий тадбиркорлик соҳасида самарали меҳнат қилиб, жамиятимида ўз ўрнини топиши учун **нафақат таълим соҳаси раҳбарлари, балки барчамиз масъул эканимизни унутмаслигимиз зарур**.

Биз ўз олдимиизга ана шундай ўта муҳим ва долзарб вазифаларни кўйган эканимиз, ўз-ўзидан равшанки, уларни муваффақиятли амалга ошириш, биринчи навбатда олий ўкув юртларининг профессор-ўқитувчилар таркиби, уларнинг илмий ва педагогик салоҳиятига боғлиқ.

Бу борада олий ўкув юртлари раҳбар ва педагог кадрларининг касбий даражаси ва малакасини муттасил ошириб бориш, уларни замонавий талаблар асосида қайта тайёрлашнинг такомиллаштирилган тизимини жорий этиш мақсадида шу йил қабул қилинган Фармон бу ишларни янги сифат босқичига кўтаришга замин бўлади, деб ишонаман.

Айни вақтда жаҳондаги энг нуфузли олий ўкув юртлари билан ҳамкорлик алоқаларини кучайтириш, хорижий университетларнинг мутахассислари иштироқида турли анжуман ва конференциялар ўтказиш, ўзаро тажриба алмашиш домлаларимизнинг билим ва дунёқарашини кенгайтиришга, уларнинг малакасини оширишга хизмат қилиши шубҳасиз.

Кадрли устозлар!

Барчамизга аёнки, мафкура соҳасида ҳеч қачон

бўшлиқ бўлмайди. Агар озгина бўшлиққа йўл кўйсак, уни албатта бизга ёт ва бегона бўлган кучлар эгаллаб олади.

Хозирги кунда бутун дунёда ёш авлоднинг онги ва қалбини эгаллаш учун қандай кескин кураш бораётгани, бизнинг ҳаёт тарзимизга, маънавиятимизга, динимизга мутлақо зид бўлган заарали фикр ва фояларни тарқатиш орқали ҳали дунёқараш мустаҳкам шаклланиб улгурмаган фарзандларимизни ўзининг қабиҳ тузогига илинтириш учун турли марказлар томонидан қанча-қанча куч ва маблағлар сарфланаётгани сизларга яхши маълум, албатта.

Халқимизнинг тинч ва осойишта ҳаётига, болаларимизнинг келажагига қарши қаратилган таҳдидлар — бу халқаро терроризм ва экстремизм бўладими, гиёҳвандлик ёки «оммавий маданият» кўринишлари бўладими — бундай бало-қазоларни осто намизга йўлатмаслик, ўғил-қизларимизни уларнинг ёвуз таъсиридан асрар, доимо огоҳ ва хушёр бўлиб яшаш ҳар қачонгидан ҳам долзарб вазифамизга айланмоқда. Бундай ўтири зарурат таълим-тарбия муассасаларининг ота-оналар, маҳалла, ёшлар, хотин-қизлар жамоатчилиги, давлат ва нодавлат ташкилотлар билан ҳамкорлигини янада кучайтиришни талаб этмоқда ва бу йўлда сизлар бундан буён ҳам ўз куч-ғайратингизни аямайсиз, деб ишонаман.

Бизнинг асосий вазифамиз — ёш авлодга факат билим беришдан иборат эмас, балки бугун дунёда юз бераётган воқеа-ҳодисалардан тўғри хуласа чиқара оладиган, «Бетакоримсан, ягонасан, она Ватаним — Ўзбекистоним!» деб, ўз ери, ўз юргита садоқат туйғуси билан яшайдиган, **Ўзбекистон фуқароси деган шарафли номга ҳар томонлама муносиб бўлган инсонларни тарбиялаш — барчамизнинг муқаддас бурчимиздир.**

Азизларим, қадрдонларим!

Бугун мана шу ҳал қилувчи вазифаларни чукур англаган, уларни амалга ошириш учун жонбозлик кўрсатиб меҳнат қилаётган, чинакам фидойи муаллимлар, ўқитувчи ва домлалар сафи тобора кенгайиб бораётгани эртанги кунга бўлган ишончимизни янада мустаҳкамлайди.

Шулар ҳақида гапирганда, бир фикрни мамнуният билан таъкидлашни истардим: мустақиллик йилларида самарали меҳнати ва ибратли фаолияти учун давлатимизнинг юксак мукофотлари билан тақдирланган ватандошларимиз орасида ўқитувчи ва мураббийлар сони кўпчиликни ташкил этиши, ҳеч шубҳасиз, эл-юртимизнинг сиз, азизларга бўлган юксак хурмат ва эътиборининг амалий ифодасидир.

Сизларнинг масъулиятли хизматингизни муносиб қадрлаш, фаолиятингизни янги босқичларга кўтариш учун зарур шароитларни яратиш масаласи бундан буён ҳам давлатимиз ва жамиятимида доимий эътибор марказида бўлади, деб сиз, азизларни ишонтириб айтишга бугун тўлиқ асосларимиз бор.

Барчангизни кутлуг айём — Ўқитувчи ва мураббийлар куни билан яна бир бор чин қалбимдан табриклиб, сизларга сиҳат-саломатлик, хонадонларингизга файзу барака, баҳту саодат, эзгу ишларингизда янгидан-янги ютуқ ва омадлар тилайман.

Доимо соғ-омон бўлинг, умрингиздан барака топинг, меҳрибон устозлар!

**Ислом КАРИМОВ,
Ўзбекистон Республикаси Президенти**

Ilm yo 'lida ustoz, hayot yo 'lida iibrat



Энг улуг, энг азиз байрамимиз – Мустақиллигимизнинг 24 йиллиги арафасида Президентимиз Фармонига кўра, эъзозли олиммамиз Суйима Фаниева Ўзбекистон Қаҳрамони унвонига сазовор бўлди.

Бу хабарни эшитиб барча илм ва ижод ахли, адабиёт мухлислари, олимани яхши биладиган узоқ-яқин юртлардаги адабиётшунослар беҳад хурсанд бўлишиди. Нега ишонч билан шундай деяпман? Чунки Суйима Фаниева мумтоз адабиётимизнинг жаҳонга танилишида, аждодларимиз илмий ва адабий меросини ўрганиш, тадқиқ этиш, излаб топиш борасида улкан ишлар қилди. Мингга яқин илмий асарлари, мақолалари чоп этилгани, адабиётшунос олимларга устозлик қилгани, йирик халқаро илмий анжуманларда Ўзбекистон олимлари номидан иштирок этгани фикримнинг исботидир. Буларнинг ҳар бири чинакам изланишлар, илм, ижод ва сўз санъатига улкан меҳр ва садоқат, фидо-корона меҳнатнинг самарасидир.

Мамлакатимизнинг барча оммавий ахборот воситалари адабий ходимлари Суйима опа истиқомат қиласидаган шаҳар марказидаги уйни жуда яхши билади. Чунки опа ҳар бир нашрнинг талабига кўра кўплаб адабий мақолалар ёзиб берган. Мен ҳам таҳририятдан топшириқ олган куним опага сим қоқдим. Бир соатда етиб боришига вайдалашиб, нимадир бўлди-ю икки соатдан кейин бордим. Тўрт қаватли уйнинг кодланган эшиги олдида бироз ўйланиб турсам, йўловчилардан бири кимнига келганимни сўради. «Суйима Фаниеваникiga келгандим, кодни унутибман», дедим. Ўша одам кодни айтди-ю, йўлида давом этди. Назаримда, бу атрофда ҳамма опани яхши биладигандек туюлди. Раҳмат айтиб, шоша-пиша эшикни очиб, зиналардан учинчи қаватга кўтарилидим. Ички бир хавотир тинч қўймай чиқиб бордим. Йўлак деворидаги мумтоз газаллар туширилган суратларни кўриб, кўнглим ёришиб кетди. Мана, мен ёшлигимдан телевизорда кўрадиган, сўзларини сеҳрланиб, ҳавас билан тинглайдиган олиманинг уйи. Кўнғирокни босгач узоқ кутмадим. Опанинг самимий чехраси эшик билан баравар кўнглимни ҳам очиб юборди.

Қўллари билан «ичкарига киринг» ишорасини шундай назокат билан бажардики, бу ишорани кейинги боргандаримда ҳам неча бор кўрган бўлсам, сўз билан тушунтириб беролмайман. Уйдан китоблар, кўлёэмаларнинг ўзига хос ифори келарди. Жавонлар, уларга тартиб билан терилган китоблар... Опа мени ўзи ишлайдиган хонасига бошлаб борди. Ёзув столининг чирогини ёқиб, ваъда қилинган мақолани бергач: «Вақтида келолмаганингиз яхши бўлди. Кўлёэмани яна бир синчиклаб қараб чиқдим», деди. Назокат билан берилган бу танбех кейинги галдаги учрашувларимизга кечикмаслигимни уқтириди. Ниҳоят, енгил тордим. Журнал чиққанида кўлёэмани қайтаришимни ваъда қилиб, эшикка йўналдим. Опа нариги хонадан қанд-курс кўтариб чиқди.

«Бунақада ўрганиб қоламан-да» деб ҳазиллашдим. Кейин... опанинг меҳрига ўрганиб қолдим ҳам.

Журнал чиққанида Сўйима опанинг уйига яна бордим. Ёмғири кун бўлгани боис кийимларим хўл. Киришга қанча тортиксам, опа менга иссик чой тутишга, ҳеч бўлмаса қуруқ оёқ кийими беришга ошиқарди. Мен эса шундай улуг олимани куйинчак она қиёфасида кўриб, севи нардим. Ёмғир ҳам, соchlаримдан сирғалиб тушаётган томчилар ҳам бу меҳр олдида унут бўлган эди.

Бир куни ҳамкасларим мени Сўйима Фаниева телефонда сўраётганини айтишди. Гўшакни олсан, опа: «Халқаро Бобур экспедицияси раҳбари Зокиржон Машрабовни биласиз-а, бирорта шогирдингиз билан Андижонга келинг, деяпти. Мен билан бирга бориб келмайсизми?» деди. Мени шогирд ўрнида кўриб, яна сафарга бирга боришга таклиф қилгани хурсанд қилиб юборди. «Роса боргим келяпти. Бироқ ёш болам бор, бунинг устига уйга меҳмонлар келганди», дедим. «Болангизни тиззамда олиб кетаман!» Бу жавоб опани менга янам қадрдан қилди. Мен халқимизнинг ардоқли олимаси Сўйима Фаниевани шундай кашф этганман.

Яқинда у киши ҳақида ёзилган эътирофлар билан таниша туриб, таниқли адабиётшунос олим, профессор Наим Каримовнинг: «Сўйимахон Навоийнинг «Мажолис-ун нафоис» асари устида жиддий ишлар олиб борди. Шу асарда тилга олинган, аммо фанга номаълум бўлган қатор шоирлар ҳақида янги-янги маълумотларни топиб, яrim асрдан бери институтимизда ўтказиб келинаётган Навоий анжуманларида қизиқарли маъruzалар қилди. Навоий даврида яшаб иход этган бир неча шоирларни биринчи бўлиб илм-фан оламига олиб кирди... Севимли дўстим, маслақдошимга хурматим ва меҳрим бекиёс», деб ёзган сўзларини ўқиб қолдим. Профессор Дилором Салоҳий ёзди: «Олима ўзига хос илмий услубга эга. Матнлар қатидаги кўпчилик эътиборини тортмаган, аммо ўқувчи учун фоят қизиқарли бирор ҳодисага диккатини қаратади. Хусусан, Навоийнинг Унсиядаги кутубхонаси таркиби мазмун-мундарижаси ҳақидаги қизиқишлар навоийшуносларни кўпдан бўён ўйлантириб келарди. Опа бу соҳада катта бир ишни амалга оширидилар. «Навоий ёдга олган асарлар» номли китобларида шоирнинг адабий, илмий меросида у ўрганган ва истифода қилган асарлари кенг тўлик рўйхатини ва бу асарлар ҳақида маълумотларни келтириб, бу билан шоир ижодига қизиккан ва тасаввуф илмини ўрганмокчи бўлганлар учун катта қулайлик яратди. Рисолада Навоий ёдга олган асарлар рўйхатини алифбо тартибида келтириб, уларнинг мазмуни ҳақида ҳам изоҳ ва қайдлар берилади».

Бу сингари юрақдан битилган дил номалари кўп. Қай бирини ўқимай Сўйима Фаниеванинг нур балқиб турган чехраси кўз олдимда намоён бўлаверади. Олима ҳақида қанча гапирсак оз. Чунки ёзувчи Асрор Самад «Ўзбекнинг ардоқли Сўйимбекаси» номли китобида опанинг илмий асарларидан 788 тасини номма-ном санаган. Шунингдек, турли нашрларда чоп этилган Сўйима Фаниева билан сұхбатлар, опа ҳақидаги очерклар, олимлик фаолиятига доир мақолалардан ўттиз олтитасини келтириб ўтади. Бундай ўйлаб қарасам, бу бир одам қиладиган ишлардан кўпроқдай туюлди. Шунда ўзимни турли баҳоналар билан овутиб, дангасалик билан ўтган дамларимдан уялиб кетдим. Энди бирор нимага эринсан ёки эртага қиласман, деб ўйласам, Сўйима опанинг иш столида нимадир ўқиб ёки ёзиб ўтиргани кўз олдимга келаверади.

Сўйима Фаниева ҳақида ўйлар эканман, яқинда намойиши бўлиб ўтган «Йўл» хужжатли фильмни ёдимга тушди. Аслида ушбу фильм опа тўғрисида батафсил ҳикоя қилгандек, унинг олдида менинг изҳорларим ҳечдек туюлди. Бироқ яхши кўрган одамингга бу ҳақда билдириб қўй, деган гап ҳам бор-ку.

Олимлик катта мақом. Бу даражага йиллар давомидаги изланишлар, анчайин ҳаловатлардан кечиш эвазига эришилади. Сўйима Фаниеванинг зиёли бўлиб яралганлик белгиси бор. Бундай ички маданият, ўқтам фикрлаш сингари хислатларга ўқиб, ўрганиб эришиш қийин. Балки бу ўз ишига, адабиётга, сўзга муҳаббатнинг мевасидир. Бу фикрларимни узоқ давом эттиришим мумкин. Халқимиз биладиган, ардоқлайдиган олима Сўйима Фаниева ўзи ҳақида ҳеч қачон гапирмаган, доимо у ҳақда унинг асарлари, изланишлари, тадқиқотлари сўзлаб туради. Бу биз учун ниҳоятда катта мактаб ва ибратдир.

Манзура ШАМС

BETAKRORIMSAN, YAGONASAN,

Nima qildik

Ватанга хизмат қилиш, унинг корига яраш ҳар бир инсоннинг муроди, орзуси десак, айни ҳақиқатни айтган бўламиз. Ўсиб келаётгэн ёш авлодни миллий қадрияtlаримиз, Ватанга муҳаббат ва садоқат руҳида тарбиялаш бизнинг олдимизда турган муқаддас вазифадир.

Мамлакатимиз мустақиллигининг 24 йиллиги муносабати билан ўсиб келаётган ёш авлод онги ва қалбида ватанпарварлик ҳиссини янада мустаҳкамлаш, уларни мустақиллик ғояларига садоқат ва фидоийлик руҳида тарбиялаш, гиёхвандлик, диний экстремизм ва терроризм каби салбий иллатларга қарши курашиб максадида Маданият ва спорт ишлари вазирлиги, «Ўзбекнаво» эстрада бирлашмаси, Ёшлар маданият ва санъат маркази ва бир қатор ҳамкор ташкилотлар томонидан Коралпогистон Республикаси,





ONA VATANIM – O'ZBEKISTONIM!

Vatan uchun?

вилоятлар ва Тошкент шаҳрида «Нима қилдик Ватан учун?» ёхуд «Биз ёшлар гиёҳвандлик ва терроризмга қаршимиз!» шиори остида ёшлар фестиваллари ташкил этилди.

Фестивалнинг республика якуний гала концерти Термиз шаҳридаги амфитеатрда бўлиб ўтди. Унда муҳтарам Юртбошимиз раҳбарлигига мустақиллик йилларида мамлакатимизда олиб борилган бунёдкорлик ва яратувчанлик ишлари ифода этилган «Ким эдигу ким бўлдик?» номли ижтимоий видеоролик намойиш этилди.

Фестивалда болалар групчалири, халқаро мусобақаларда совриндор бўлган таникли спортчиларнинг чиқишилари, Ўзбекистонда хизмат кўрсатган артистлар, «Ниҳол» мукофоти совриндорлари ва таникли эстрада хонандалари томонидан мустақилликни, гўзал юртимизни, ёшликтининг фараҳбахш онларини мадҳэтувчи куй ва кўшиклар ижро этилди.



USTOZLIK KASBINI ULUG'LAB KELAYOTGANLAR



Ўзбекистон Республикаси Президенти Фармонига биноан, Мустақиллигимизнинг 24 йиллиги муносабати билан фан, таълим, соглиқни сақлаш, адабиёт, маданият, санъат, маънавият ва маърифат, оммавий ахборот воситалари ҳамда ижтимоий соҳалар ходимларидан бир гуруҳи давлатимизнинг юксак мукофотлари билан тақдирланишиди.

Камолиддин Беҳзод номидаги Миллий рассомлик ва дизайн институти профессори Муҳаммадёр Тошмуродов Ўзбекистон Республикаси санъат арбоби, Ўзбекистон давлат консерваторияси доценти Машраб Эрматов Ўзбекистон ҳалқ ҳофизи, Ўзбекистон давлат санъат ва маданият институти доценти Насрулла Қобилов «Меҳнат шуҳрати» ордени, Ўзбекистон давлат санъат ва маданият институти вокал кафедраси ўқитувчиси Саодат Музаффарова Ўзбекистонда хизмат кўрсатган маданият ходими унвонларига сазовор бўлишди. Мухбиришимиз улар билан суҳбатлашиб, дил сўзларини қоғозга туширди.



**Муҳаммадёр
ТОШМУРОДОВ,
Ўзбекистон
Республикаси
санъат арбоби:**

— Бунаقا юрт, бундай одамлар яна қаерда бор? Байрамларимиз қандай чиройли ўтятпи. Қаердадир иқтисодий танглик, қаердадир ички ва ташқи низолар авж олган бир пайтда тинч-хотиржам яшашга, ишлашга нима етсин. Қилаётган ишингизнинг самарасини кўрсангиз, ҳалққа манфаатингиз етишини хис қилиб, шогирдлар етиштирсангиз, уларнинг камолидан қувонсангиз, юрт равнақига ҳисса қўшсангиз, шунинг ўзи баҳт эмасми?!

Мен рассом сифатида юртимизнинг турли гўшаларида бўлганман. Мустақиллик берган имкониятларни кўриб кўзингиз қувнайди. Тоғлар бағрини ёриб ўтган темирийўллар, автомагистраллар, улкан заводлар... Буларнинг ҳаммаси инсон манфаати учун. Одамлар «Ким эдигу ким

бўлдик?» деган саволнинг жавобини ўз турмуш тарзларида кўриб шукр қилишмоқда. Қашқадарёдаги Гилон, Сарчашма қишлоқлари рассомларимиз учун ижодий дарсхона ҳисобланади. Ўша тоғлар орасидаги оқсоқоллар билан суҳбатлашиб, кайфиятини ўргандим. Улар шундай юртда яшашаётганидан, фарзандлари, набиравлари шу ҳалқ истиқболи учун хизмат қилишларидан мамнун. Бу қишлоқда яратилган асарлар дунё кўргазмаларида турибди.

Ёшларни қаранг, ўз кўргазмаларини ташкил қилишади. Дарсдан чиқиб турли курсларга қатнашади. Бир нечта тилларни билишади. Ҳаракатлари дадил, фикрлари ўқтам. Ҳаммаси улар учун яратилган имкониятлар боис. Улардаги руҳият асарларида ҳам кўриниб туради. Мен шогирдларим билан алоҳида-алоҳида ишлайман. Улар билан диллашаман. Хар бири оламолам орзу эгаси.

Устозим Раҳим Аҳмедовнинг этагидан тутиб, рассомликнинг минг бир сирини ўргандим. Шунингдек, Нигмат Қўзибоев, Жавлон Умарбеков, Баҳодир Жалолов сингари устозларимга эргашиб, устоз-шогирд анъаналарига содик қолиб, муваффақиятларга эришдим.



Машраб ЭРМАТОВ, Ўзбекистон халқ ҳофизи:

— Ўзбекистон давлат консерваториясида дарс бераётганимга 26 йил бўлган бўлса, менинг дастлабки шогирдларим ҳозир юқори малакали устозлар бўлиб етишди. Устозларим Ориф Алимхуммадалиевлардан олган ўйтларимни, санъат йўлида фидойи бўлишни шогирдларимга ҳам ўргатиб боряпман. Илк устозим — отам Эргаш Эрматов менга соз билан сирлашишни, уни тушунишни ва қалб қўрини бағишлишни ўргатган.

Президентимиз мустақиллигимизнинг дастлабки кунларидан санъатга, маънавиятга катта эътибор қаратди. Консерваториямизнинг



Насрулла ҚОБИЛОВ, «Мехнат шуҳрати» ордени соҳиби:

— Мен устозман. Бу улуғ мартаба мени шундай эътирофга сазовор бўлишимга сабаб бўлди. Ўз касбимизга муҳабbat, қилаётган ишимиздан қониқиш бўлса, натижага самарали бўлади. Мен шогирдлар етишириб, ўз ижодим билан камтарона мөхнат қилиб юрган ўқитувчиман. 1977 йилда институтни тугатишим билан кафедрада ишга олиб қолишган. Шундан бери талабала-



Саодат МУЗАФФАРОВА, Ўзбекистонда хизмат кўрсатган маданият ходими:

— Инсон чин маънода баҳтли бўлиш учун интилса, ҳаракат қилса, орзулари амалга ошади. Мана шу мусаффо осмон остида, шундай олижоноб халқ ичida яшаш бир баҳт. Шунингдек, менинг баҳтим — ўқитувчи номли улуғ ва шарафли касб эгасиман. «Томоша» болалар театр студиясида, «Севинч» вокал ансамблида болалар билан ишлаб, болалик оламига қайтганман. Дастлабки шогирдларимиз ҳозир ўз ижод йўлига эга хонандалар бўлиб етишган. Уларнинг камолини кўриш,

янги биноси республикамиз маданий ҳаётида катта воқеа бўлганди. Бундай йирик ўзгаришларга бугун кўзимиз кўниқди. Бу кунларнинг қадрига етишимиз, Ватанимиз тараққиётiga ўз хиссамизни кўшишимиз керак.

Ўзбек санъати анъаналарининг бокийлигига эришиш учун ёшларимизга мумтоз санъат сирларини қунт билан ўргатиб, улар қалбида муҳабbat уйғотиш бизнинг энг асосий бурчимиз. Камтарона мөхнатларимизни юксак баҳолаб, Ўзбекистон халқ ҳофизи унвонига муносиб кўргани учун Президентимизга ўз миннатдорлигимни билдираман. Бу хушхабар нафақат мени, устозларим, ҳамкасларим, шогирдларим, фарзандларимни хурсанд қилди. Бу бизга билдирилган юксак ишонч. Энди масъулиятимиз ҳам янада ортади.

Энг гўзал қўшиқ — Ватан! Ватанин мадҳ этиш учун уни севиш, улуғлаш ва қадрига етиш керак. Ватан хақида шунчаки куйлаб бўлмайди. Сўзнинг залворини, Ватанинг муқаддаслигини юрақдан ўтказиб, кейин қалб қўрини бериб куйлаш керак.

римда «йилт» этган истеъдод бўлса, шуни ривожлантиришга, рўёбга чиқаришга ҳаракат қиласман. Тошкент давлат санъат ва маданият институтининг ҳозирги кўринишини қаранг, талабалар тайёр сахнада дарс тинглашади. Бу шароитлар уларни сахна ҳаётига мослаб боради. Санъатнинг ўз кишиси бўлишга ундейди. Институтнинг ўз ўқув театри бор. Дарсхоналардаги шароитларни кўриб, файратингга файрат қўшилади. Талабалар ҳам дарс тугашини кутиб бетоқат ўтирадиган ёшлар эмас, дарсдан кейин ҳам соатлаб бирга ишлашади, сўрашади, ўрганишади.


Камтарона мөхнатларимиз юқори баҳоланиб, «Мөхнат шуҳрати» орденига сазовор бўлганим, масъулиятимни янада оширади. Шогирдларим, талабаларим, фарзандларимга ибрат бўлиш учун хато қилишга ҳаққим йўқ.

талабаларнинг муваффақиятларидан сўнг, миннатдорчилигини эшитиш чин маънода саодатли экан. Давлатимиз юксак маънавиятли ёшларни тарбиялаш масаласига жуда катта эътибор қаратмоқда. Биз бу масалани кун тартибида қўйиб, ёшлар онгига шу томондан кириб бориб, дарс берамиз.

Мана, яқинда Ўзбекистонда хизмат кўрсатган маданият ходими унвонига муносиб кўришди. Президентимизга бу юксак ишонч учун чин юракдан ташаккур айтаман. Келажакда қиладиган ишларимиз кўп. Бу ишонч менга янада файрат бағишилади.

Сўзимни баҳт тушунчаси билан бошлагандим. Хар бир отаётган тонгимиз, тинч-хотиржам кунларимиз, кундан-кун чирой очаётган шаҳар-қишлоқларимизни кўриб, шу баҳтни ўз ҳаётим мисолида ҳис қиласман.

Рўзимурод ЭСОНОВ тайёрлади



Ma'naviy komillik belgisi

Равон ва жозибали нутқ инсоннинг бебаҳо маънавий бойлиги ҳисобланади. Тил шундай курдатга эгаки, унинг воситасида деярли барча муаммоларни ҳал қиласа бўлади. Ўз она тилида, шу билан бирга, бошқа тилларда мукаммал сўзлай оладиган, фикрини тиниқ ифода этишга қодир, талаффузи ёқимли, сўз ва амаллари уйғун кишилар фазилат бобида комилликка яқин турадилар. Улуғ аждодларимиз бир эмас, бир неча тилларни мукаммал эгаллаб, бошқа тилларда ҳам ижод қилишгани, келажак насллар учун ноёб илмий-маънавий мерос қолдиришгани, бу хазинадан ҳамон баҳраманд бўлаётгани-миз фикримизнинг далилидир.

Тил одобига риоя қилиш, ҳар қандай ҳолатда ҳам ақл-заковат билан мушоҳада юритиш, сухбат дошларни эътибор билан тинглаш, фикрини бўлмаслик, ўринсиз луқма ташламаслик комил инсонларга хос фазилатлардир. Инсон ҳаёти давомида ноxуш ҳолатларга дуч келиши, муаммолар гирдобига тушиб қолиши ҳам мумкин. Бундай пайтда тил, сўзлаш одоби, ифода маҳорати катта кучга айланади, хиссиётга берилиб, ғазаб отига минган киши бир оғиз ноўрин сўзи билан аҳволни баттар мураккаблаштиrsa, тили ширин киши нажот кўчасини тез топиб олади.

Ҳаётдан маълумки, ўйламай-нетмай айтилган биргина сўз, беҳаё бир ибора оилани барбод қилиши, aka-ука, опа-сингил, қариндош-уругни бир-бирига тескари қилиб кўйиши мумкин. Бунга мисоллар кўп. Миллат шаънига ботадиган, фурурига тегадиган асоссиз айблов ёки таҳқир ҳалклар, мамлакатлар ўртасига раҳна солгани, жанг жадалларга сабаб бўлгани ҳам сир эмас. Аксинча, бир-бирини мутлақо

танимаган, ўзаро мулоқотда бўлмаган икки киши гўзал бир лутф, самимий табассум, ширин муомала боис қадрдан бўлиб кетгани ҳам бор гап. Мисол учун, бирор асарни мутолаа қилаётган ўқувчи асар қаҳрамонларининг ибратли ўй-фикрлари, инсоний фазилатлари, эзгу амаллари билан танишар экан, уларга фойибона меҳр қўяди, китоб муаллифига нисбатан кўнглида илиқ туйфу пайдо бўлади. Сўзнинг курдати, тилнинг жозибаси боис шундай бўлади. Ҳалқ эртакларида тасвирланган очкўз девларнинг «Ассалому алайкум», деган ёқимли лутф, яхши муомала боис ёмон ниятидан қайтиши («Саломинг бўлмаганида икки ямлаб бир ютардим» дейиши) ҳам сўзниң қурдатини кўрсатади.

Сўзлаш одоби оиладан, мактабдан, маҳалладан бошланади. Ёшлик чоғидан тўғри талаффузга, сўз ва ибораларни, исмлар, жойлар, турфа хил номларни тўғри ифода қилишга ўргатилган, китоб билан дўст тутинган, ҳалқ эртакларини кўп ва хўб ўқиган, саргузашт достонларни мириқиб тинглаган болаларнинг нутқи бошқа тенгдошларига нисбатан мукаммал, айни чоғда ширали бўлади. Бу фарқни наинки нутқда, боланинг шакланаётган характеристида, тенгдошлари билан муомаласида, атрофида кечаетган воқеа-ҳодисаларга муносабатида ва ҳатто, орзуҳаёлларида ҳам кўриш мумкин. Ишончим комилки, ёшлигида кўп эртак тинглаган, катталар овоз чиқариб китоб ўқиганида, дикқат билан эшитган болалар вояга етгач, факат ўзларининг эмас, бошқаларнинг ҳам фикрини эътиборга оладиган бўлади.

Болалар тарбияси билан шуғулланувчи мураббийларнинг кузатишича, бола нутқининг қандай бўлиши кўп жихатдан оила аъзоларига, хусусан, отонаага, боғча ва мактаб муаллимларига ҳамда яқин дўстларига боғлиқ бўларкан. Болаларни эркалаб,

исмларини қисқартириб айтиш, сўзларни бузиб талаффуз қилиш бола вояга етганида ҳам хотирасидан кўтариilmайдиган қусурга айланади. Баъзи отоналар фарзандлари анча улғайиб, яхши-ёмон, ростёлғоннинг фарқига бориб қолганини сезмай ёки сезсалар ҳам, буни инобатга олмай, уларга катталарнинг олдида жим туришни, нима дейишса, хўп дейишни, қайсарлик қилмасликни уқтиришдан чарчамайдилар. Улуг аждодларимиз «Ақлли, фахм-фаросатли кишилар, айниқса, ёшлар билимдонликларини ҳуда-бехудага пеш қилмайдилар, бошқаларни кўпроқ эшитадилар, бирор бир нимани сўрамагунча одоб билан сукут сақлайдилар», деб таълим беришган. «Сукут гоҳо каломдан улуғ» деган ҳикмат ҳам бор. Бир қарашда, ота-оналарнинг ҳам, алломаларнинг ҳам бу насиҳатлари шарқона одобга мос бўлиб, эътиroz билдириш қийиндай туюлади. Аммо ҳамма нарсада бўлганидек, сукутда ҳам меъёр бўлиши зарур. Чунончи, болага ҳам ёшлигидан гапириш, сухбатга қўшилиш, бирор ҳолатга, воқеага нисбатан муносабат билдириш имконини бериш керак. Бундай қилинмаса, бола факат бошқаларнинг фикрига қўшиладиган, яхшини ҳам, ёмонни ҳам бир хилда маъқуллайверадиган бўлиб улгаяди. Ота-онасининг талабига риоя қилиб, катталар олдида оғзини очмай улғайгач, хаётда ўзини шахс сифатида намоён қилишга қийналади, фикрини аниқ ифодалаб беролмайди, бефарқ ва лоқайд бўлиб қолади.

Болани фикрлашга, мулоҳаза юритишга ўргатиш уни эътибор билан тинглашдан, гап-сўзларига, хатти-ҳаракатларига эътибор беришдан, енгил муносараларга қўшишдан бошланади. Шундай қилинса, бола бундай муносабатни мукофотдай қабул қиласди, катталар таъбири билан айтганда — кўнглида ўзига нисбатан дастлабки ишонч куртаклари пайдо бўлади. Ҳар бир рафбат, ҳар бир эътибор бу ишончи мустаҳкамлайди. Аксинча, болани бўлар-бўлмасга жеркийвериш, «гапга аралашма», «оғзингни юм», «нари тур», «қачон одам бўласан ўзи», «ҳе фалончи», дея тенгдошлари олдида изза қилиш мурғак қалбини жароҳатлайди, гапирмаслигим керак, нари туришим керак, бундай қилмасам яхши одам бўла олмайман деган тушунчалар хотирасига ўрнашиб қолади.

Олимлардан бирининг болалар боғчаларида ўтказган бир тадқиқоти тўғрисида аввал ҳам ёзганман. У уч юздан ортиқ тарбиячиларга: «Ота-оналар кечқурун болаларини уйга олиб кетаётгандаридан нимага қизиқишиади?», деган савол беради. Тарбиячиларнинг жавобларидан маълум бўладики, деярли барча ота-она асосан фарзанди кун давомида нима овқат еганига қизиқар экан. Кўп йиллик иш тажрибасига эга тарбиячиларнинг бирортаси ҳам ота-оналарнинг: «Болам ўртоқлари билан дўстлашадими, ўзидан кичикларни ранжитмайдими, қизғанчиқ эмасми, фикрини тўғри ифодалай оладими, нутқи равонми?» деган саволини эслай олмабди...

Нутқ ўз-ўзидан равон, оҳангдор бўлиб қолмайди. Колгучи бирор куйни ўрганмоқчи бўлса, уни юз бор,

минг бор ижро қилибгина муддаосига эришади. Мусаввир бир асар яратгунча қанча заҳмат чекади. Нутқ маҳоратини эгаллаш учун йиллар давомида тинимсиз машқ қилиш керак. Ҳар бир киши касб-коридан қатъи назар, ёзувини ҳусниҳат дарсида маромига етказаётган ўқувчидай нутқини ёшлиқдан безаб, бойитиб бориши лозим. Бунда унга устоз-мураббийларнинг маслаҳатлари, китоблар, айниқса, ҳалқ достонлари ёрдамга келади. Бадий асарни овоз чиқариб ўкиш нутққа жон киритади.

Азалдан одатда нутқи расо кишиларга ўқитувчилик қилишга рұхсат берилган. Чунки ўқитувчи нутқидаги камчилик у тарбиялаётган болаларга ҳам ўтади. Демак, нутқимиздаги норасоликлар эртага фарзандларимизга кўчишини билиб туриб, бу муаммога бефарқ бўлсак, ўнглаб бўлмас хатога йўл қўйган бўламиз.

Нима қилиш керак? Бу саволни дастлаб ўзимга бераман. Ўқувчилик йиллари деярли ҳар ҳафта иншо ёки баён ёзардик, янги китобларни қироатини жойига қўйиб, навбат билан ўқирдик. Ургуни тўғри қўя олмайдиган, тортичоқ, тили чучук болаларга анча қийин бўларди. Таътил ойлари ўқиган китобларимизни бир-бirimизга ошириб-тошириб, ҳис-ҳаяжон билан ҳикоя қилиб бериш яхши одат бўлган. Бугун олий ўқув юртларининг бакалавр ва магистратура йўналишларида таълим олаётган талабалар жорий, оралиқ ва якуний назорат ишларини ёзма равишда топширади. Бу — айни муддао деб ўйлайман. «Камолот» ёшлар ижтимоий ҳаракати шафелигига коллеж ва лицей ўқувчилари орасида ўтказилаётган турли танловларда қатнашиб, иштирокчиларнинг ёзма ишларини ўқир эканман, бунга яна бир бор амин бўламан. Уларда талабаларнинг фанни нечоғли ўзлаштиргани, дунёқараши, характеристи, давлатимиз раҳбари талаб эттаётганидек, мустақил фикрлаш даражаси аниқ-тиниқ қўриниб туради. Чунки ёзув фикрнинг қофозга қўчган ифодасидир.

Нутқ маҳорати тўғрисида бундай мулоҳаза юритаётганимизнинг боиси бор, албатта. Бугун кундаклик ҳаётимизни телекўрсатувлар, радио эшиттиришлар, турли йиғинлар, машваратлар, баҳс-мунозараларсиз тасаввур қилиш қийин. Таассуфки, уларнинг ҳаммасида ҳам нутқ маҳорати, талаффуз қоидаларига тўла риоя қилинмайди. Она тилимизга хос бўлган нозик, бетакор ибораларни, ҳалқ донишмандлиги ифодаси бўлмиш мақол ва маталларни, таъсирчан ташбеҳларни ўринсиз ишлатиш, маъносини бузиб талқин қилиш асабингизга тегади.

Мухтасар қилиб айтганда, нотиқлик санъати зиёлилик, билимдонлик, мустақил фикрлаш ва тафаккур даражасини ифодаловчи фазилат бўлибгина қолмай, айни чоғда, маънавий комиллик белгиси ҳамдир.

**Ахмаджон МЕЛИБОЕВ,
Ўзбекистон Миллий университети
доценти**



Ҳар бир халқнинг ўзига хос номоддий маданий мероси мавжуд. Асрлар бўйи яратилиб, зукко халқнинг теран ижодий иқтидори туфайли авлоддан-авлодга ўтиб келаётган ана шундай анъаналар, маросимлар, урф-одатлар, байрамлар, ҳунармандчилик, табиат ва коинот билан боғлиқ билим ҳамда кўникумалар миллатнинг ўзлигини, қиёфасини белгилайди.

ТАБИАТ VA KOINOT BILAN BOГ'LIQ MAROSIM HAMDA URF-ODATLAR

Номоддий маданий мерос тушунчаси урф-одатларни, ўзига хосликни ифодалаш шакллари, билимлар ва кўникумаларни, шунингдек, улар билан боғлиқ жихозлар, предметлар, артефактлар ва маданий маконларни акс эттиради, улар эса ўз навбатида ҳамжамиятлар, гурухлар, алоҳида ҳолатларда эса муайян шахс маданий меросининг бир қисми сифатида тан олинганингини англатади. Авлоддан-авлодга ўтиб келаётган бундай номоддий маданий мерос доимо ҳамжамиятлар ва гурухлар томонидан уларнинг атроф-муҳитга, табиатга ва ўз тарихига боғлиқ ҳолда яратилади ҳамда бу уларда ўзига хосликни, ворислик туйғусини шакллантиради, шу билан инсоният иходи, маданий турли-туманликнинг ҳурмат қилинишига кўмаклашади.

Номоддий маданий мерос:

- ўзликни намоён этишнинг оғзаки анъаналари ва шаклларида;
- ижро санъатида;
- жамиятнинг урф-одатлари, маросимлари, байрамларида;
- табиат ва коинотга оид билим ҳамда урф-одатларда;
- анъанавий ҳунармандчилик билан боғлиқ билим ва кўникумалarda намоён бўлади.

Табиат ва коинотга оид билим ҳамда кўникумалар ҳалқимиз орасида жуда кўп учрайди, уларга амал қилинади. Бу соҳага боғдорчилик, дехқончилик, чорвачилик, анъанавий табобат, пазандалик, шунинг-

дек, ой чиқиши, кун ботиши, ой ва қуёш тутилиши, кудук қазиш учун жой аниқлаш, юлдузларга қараб экин экиш, дараҳтларни пайванд қилиш ва ҳоказолар киради.

Дехқончилик билан боғлиқ кўплаб урф-одат, маросимлар, сайл ва байрамлар мавжуд. Жумладан, «Шоҳ мойлар» ёки «Биринчи кўш» каби кўш ҳайдаш маросимлари, Чоймомо маросими, «Шамолингни кўй, Ҳайдар» каби шамол чақириш маросимлари, «Туз хотин», «Чала хотин», «Суст хотин» каби ёмғир ёғдириш маросимлари, «Лола сайли», «Қизил гул» сайли, «Қовун сайли», «Ҳосил байрами» ва ҳоказолар.

Ўзбек дехқонларининг баҳорги юмушлари ичida, айникса, далага биринчи кўш чиқариш маросими мухим амалий аҳамиятга эга. Чунки далалардан олинадиган ҳосил унинг ўз вақтида сифатли экилишига боғлиқ. Шунинг учун ҳам халқимиз орасида ерга илк бор кўш солиш ва уруғ қадаш билан боғлиқ маросимлар юзага келган. Шулардан бири «Шоҳ мойлар» маросимиdir.

Илгари кўш чиқариш вақти табиатдаги уйғониш, юлдузларнинг ҳолати ва қушларнинг ўлкамизга қайтиб келишига қараб аниқланган. Тажрибали дехқонлар хут ойининг бошида томдаги қорлар эриб, бўғотлардан сув оқа бошлишини эътибор билан кузатишган. Ҳатто бу давр ҳақида халқ орасида «Тушгача мугуз, тушдан кейин кигиз» деган нақл ҳам бор. Чунки томдан оқаётган қор суви кечга томон музлаб, сумалакка айланади. Шунинг учун «тушгача мугуз», яъни

«шоҳдай қаттиқ» дейишган. Тушдан кейин ҳаво бир оз илиши билан сумалаклар эриб, кигиздай юмшаб қолади. Илгари уйларнинг томлари лойсувоқ қилингани учун қор суви лой билан аралашиб сумалаклар сарғиш тус олган. Шу боис ҳисобдонлар хут ҳақида сўз кетганда «сариқсумалак кирди» ёки «сариқсумалак чиқди» каби ибораларни ишлатишган.

Кексаларнинг айтишича, далага қўш чиқариладиган кунни қишлоқ оқсоқоллари белгилаб беришган. Доно ҳалқимиз ўзлари яшаб турган жойнинг иқлимини яхши билғанликлари учун ҳам турли-туман анъаналарни кашф этган. Ота-боболаримиз Йилбoshi байрамидан кейинги ilk чоршанба куни далага биринчи марта қўш солиш хайрли бўлади, деб ҳисоблашган. Чунки чоршанба чош, яъни мўл-кўл дон уюми тимсоли сифатида тасаввур қилинган.

Қўш ҳайдаладиган куни дехқонлар ўзаро маслаҳатлашиб, энг яхши хўқизлардан бир жуфтини далага чиқаришга тайёрлашган. Ўша куни эрталаб хўқизларга ивитилган сомон устига озгина ун сепиб едиришган. Момолар буғдој ёрмасидан «Қўш оши» пиширишган. Одатда, уни пиширишдан аввал уйма-уй юриб, масаллиқ учун ун, дон-дун ийишишган. Ҳар бир оила йил серхосил, рўзгор бут, бола-чақаси соғ-омон бўлишини ният қилиб, «Қўш оши»га имкон қадар ҳиссасини қўшишга ҳаракат қилган. Момолар яхши ниятлар билан хўқизлар шохи орасига бир чимдимдан ун сепишган. Айrim жойларда эса яхши ниятлар билан хўқизларнинг оёқлари орасига ун сепишар экан.

Биринчи қўш чиққан куни ҳамма хонадонларда бўғирсоқ пиширилиб «ис» чиқарилган. Пиширилган бўғирсоқни қанча кўп киши еса, йил шунчалик баракали келади, деб ният қилишган. Бўғирсоқ пиширилган мой билан хўқизнинг шохи, бўйни ва омочнинг тиги мойланади. Шундан сўнггина оқсоқоллардан бири дуо қилади.

Қадимда ерга ilk бор уруғ қадаганда кек-са зироаткорлардан бири бободехқон қиёфасида уруғ экишни бошлаб берган. Ҳалқимиз дехқонлари олинажак ҳосил мўл бўлиши ва йил баракали келиши экиш мавсумини ўз вақтида сифатли қилиб ўтказишига боғлиқ, деб билишган. Шунинг учун ҳам бу масалага жiddий қараб, турли ма-

росим ва анъаналарни жорий этишган. Ҳалқимиз орасида «Шоҳ мойлар», «Биринчи қўш» каби маросимлар бугунги кунда ҳам ўтказилади. Урф-одат ва маросимларнинг ўз вақтида тўғри ўтказилиши дехқонларнинг мўл ҳосил олишига қаратилиб, улар бунга қаттиқ ихлос қилишган. Ҳалқимида бежизга «Яхши ният — ярим мол» деб айтишмаган. Урф-одат, маросим ва байрамлар яхлитлигига нафақат анъаналарнинг сақланишини кўрамиз, балки аждодларимизнинг дунёқарашини, табиатга бўлган муносабатини, табиат ва коинот ҳақидаги билим ва урф-одатларни билиш имконини беради.

Миллий-маънавий қадриятларни тиклаш бош ма-салада бўлиб турган бугунги кунда ёш авлодни маънавияти юксак, ҳар томонлама мукаммал инсон сифатида тарбиялашда маросим ва урф-одатлардан кенг кўламда фойдаланиш яхши самара беради.

Табиат ва коинот ҳақидаги билим ҳамда урф-одатларни билишимиз, уларни кейинги авлодга етказишмиз орқали номоддий маданий мерос муҳофазасини таъминлаймиз.

Гулоро АБДУЛЛАЕВА





Xalqimiz ta'maviyatining yog'ini ko'zgusi

Ўзликни англаш, илмий онг ва тафаккурнинг ифодаси, авлодлар ўртасидағи руҳий-маънавий боғлиқлик тил орқали намоён бўлади. Жамики эзгу фазилатлар инсон қалбига, аввало, она алласи, она тилининг бетакрор жозибаси билан сингади. Она тили — бу миллатнинг руҳидир.

Ислом КАРИМОВ

Мұхтарам Юртбошимиз таъкидлаганидек, она тили — бу миллатнинг руҳидир. Мустабид тузум миллатга руҳ, оби-ҳаёт бериб турувчи маҳаллий халқлар тилининг уйғонишига асло йўл бермади. Негаки, тил улардаги миллий-руҳий кувватни, миллий фурур ва ифтихорни ҳам уйғотиши мүмкин эди. Миллий фурури уйғоқ халқ эса ўз она заминида, аждодларидан қолган олтин бешикда руҳий әзилишлар, камситишлар, «мағкуравий гипнозлар»га тоқат қила олмас эди. Мустабид тузум даврида фақат битта тилни улуғлаш мүмкин эди, у ҳам бўлса ҳукмрон империя тили!

Ўзбек тилига давлат тили мақомини бериш ҳақида гарчи ўша пайтлар журъатли даъватлар янграган, қизғин баҳс-мунозаралар авж олган бўлса-да, тилимизнинг бундай мақомга эришиши мүмкинлигига кўпчилик унчалик ишонқирамай қарап эди. Шу боис иккита тилга давлат тили мақоми берилишини ёқловчилар ҳам ёки, аксинча, Ўзбекистон шароитига мутлақо тўғри келмайдиган ўта бир ёқлама, эҳтиросли фикрларни илгари сурувчилар ҳам оз эмас эди. 1989 йили, ҳали мустабид тузум қулай баҳона кутиб

турган қалтис ва мураккаб бир вазиятда Ўзбекистонга етакчилик қила бошлаган Ислом Каримов Олий Кенгаш сессиясида «Давлат тили ҳақида»ги Қонун лойиҳаси муҳокама қилинаётганда депутатларга мазкур ҳужжатни қабул қилишда оғир-вазминлик билан иш тутиш, ҳар томонлама ўйлаб мулоҳаза қилиш, энг мухими, халқимиз ва Ватанимиз манфаатларига жавоб берадиган ягона тўғри йўлни топишга барчани қатъий даъват этди. Бундай адолатли, демократик ёндашув кўп миллатли халқимиз томонидан ижобий кутиб олинди.

Назаримизда, мазкур Қонун мустабид тузумнинг зимиштан кўчалари ичра истиқоллининг ёруғ йўлини излаётган халқимизга ана шу йўлни кўрсатибгина қолмади, балки уни навбатдаги катта жасоратга бошлади, илҳомлантириди. Бу Қонун миллионлаб қалблардаги Мустақиллик орзусини қатъий мақсаддага айлантириди. Халқимизни Истиқолга эришиш мүмкинлигига ишонтириди. Ўзбек тили эришган қадр ўзбек халқининг қаддини, қадрини тиклади.

Ўша пайтда тил борасидаги ҳаракатлар билан бирга илк бор юртимизда Алишер Навоий-

нинг 20 жилдли асарлар тўпламини нашр этиш ҳаракати бошланди. 1991 йили тилимизнинг тикланайтган қаддини янада мустаҳкамлаш, миллионлаб юракларда миллий фурур уйғотиш мақсадида ниҳоятда муҳим қадам қўйилди. Мамлакатимиз раҳбари Ислом Каримов шу йилни Ўзбекистонда «Алишер Навоий йили» деб эълон қилди.

Тошкентда илк бор «миллий» сўзига урғу берилиб, илгариги «Комсомол кўли» ўрнида, унга ёндош ҳудудларни ҳам қамраб олган ҳолда Алишер Навоий номидаги Ўзбекистон Миллий бοғи ташкил этишга киришилди. Шоирнинг ҳайкалини яратиш ишлари бошланди. Бу бежиз эмас эди, бу ҳаракатларнинг асл сабаби ҳамда улардан кўзланган эзгу ниятлар кўламини яна Юртбошимизнинг сўзларидан англаймиз:

«Инсон қалбининг кувончу қайғусини, эзгулик ва ҳаёт мазмунини Навоийдек теран ифода этган шоир жаҳон адабиёти тарихида камдан-кам топилади. Она тилига муҳаббат, унинг беқиёс бойлиги ва буюклигини англаш туйғуси ҳам бизнинг онгу шууримизга, юрагимизга аввало Навоий асарлари билан кириб келади. Биз бу бебаҳо меросдан ҳалқимизни, айниқса, ёшларимизни қанчалар кўп баҳраманд этсак, миллий маънавиятимизни юксалтиришда, жамиятимизда эзгу инсоний фазилатларни камол топтиришда шунчалик құдратли маърифий қуролга эга бўламиз».

Истиқлол арафаси, мустақиллик йилларида тилимиз ривожи, миллатнинг тарихий руҳини кўтариш, давлатчиликни мустаҳкамлаш борасида қанчалар улуғвор ишлар амалга оширилди. Жумладан, ўзбек тилига давлат тили мақомининг берилиши унинг қўлланилиш соҳасини сезиларли кенгайтирди. Тилшуносларимиз, атамашуносаримиз учун янги имкониятлар эшигини очди. Бевосита Юртбошимиз саъй-ҳаракати билан ўзбек тили ҳалқаро муносабатларда ишлатида диган тиллар даражасига кўтирилди, фаол мулоқот воситасига айланди.

Илк бор Ўзбекистонда ишлаб чиқилган ҳарбий Низомга асосан, Куролли Кучлар тизимида ўзбекча қоидалар жорий этилди. Давлатни бошқариш, божхона, солик, ташқи ишлар, банк-молия тизими, замонавий коммуникация ва ахборот технологиялари, тибиёт каби муҳим соҳаларда ўзбек тилининг қўлланиш уфқлари кенгайди. Зарур атама ва иборалар, маҳсус терминлар, уларнинг изоҳига бағишлиланган лугатлар ишлаб чиқилди.

Мустақилликкача тилшуносликка оид китобларда «вазир», «ҳоким», «девон», «божхона», «туман», «бекат», «сарой» каби қатор сўзлар эскирган, муомаладан чиқиб кетган, фақат тарихий асарлардагина қўллаш мумкин бўлган сўзлар, дея талқин қилинарди. Аслида эса бу сўзлар мутлақо

эскирмаган, бизни ўзбек давлатчилиги асосларидан йироқлаштириш мақсадида дарслкларда атайн шундай талқин қилинган экан. Бугун Президент девони, Олий Мажлис, Вазирлар Маҳкамаси, вазир, вилоят, туман, ҳоким каби қатор сўзларсиз ўзбек давлатчилигини тасаввур қила олмаймиз.

Бугун мамлакатимизда хорижий тилларни ўргатиш ва ўрганишга ҳам алоҳида эътибор билан қаралмоқда. Негаки, биз бугун жаҳон ҳамжамиятидаги ўрнимизни янада мустаҳкамлаш учун хорижий ҳамкорлар билан алоқаларимизни ҳар томонлама кенгайтиришимиз, жаҳон илмфани, технология соҳасидаги янгиликлардан мунтазам баҳраманд бўлишимиз учун хорижий тилларни мукаммал ўрганишимиз керак.

Аммо бу борада ҳам Юртбошимиз кимлигимиз, эгаллаб турган лавозимимиздан қатъи назар, ҳаммамизни муҳим бир нарсани ёддан чиқармасликка ундейди:

«Шунга алоҳида урғу беришимиз зарурки, чет тилларни ўрганиш, минбаъд она тилини эсдан чиқариш ҳисобига бўлмаслиги лозим. Ўз фикрини мутлақо мустақил, она тилида равон, гўзал ва лўнда ифода эта олмайдиган мутахассисни, аввалимбор, раҳбар курсисида ўтирганларни бугун тушуниш ҳам, оқлаш ҳам қийин».

Орадан йиллар ўтди, истиқлол боис ўзбек тили ҳам жаҳонга чиқди. Шарқу Фарбнинг қатор давлатларидағи нуфузли олий таълим муассасаларида ўзбек тили ўрганилмоқда. Тил ўрганиш мақсадида қанчадан қанча хорижий мутахассислар мамлакатимизга ташриф буюрмоқда.

Мамлакатимиз раҳбари ташаббуси билан ўзбек кураши бебаҳо миллий қадриятимиз тимсоли сифатида жаҳонга чиқди. Эндилиқда дунёning барча мамлакатларидағи нуфузли мусобақаларда «ҳалол», «чала», «ёнбош» каби ўзбекча сўзлар жарангламоқда. Мамлакатимизда фаолият юритаётган хорижий мамлакатларнинг элчилари ҳам ҳалқимизга эҳтиром сифатида сўзларини «ассалому алайкум» билан бошлаб, «ташаккур», «раҳмат» деган сўзлар билан яқунлайди.

Ўзбекистон бугун ўзининг кучли давлатчилик тизимида, давлат байроғи, герби, мадҳияси, тилига эга бўлди. Дунё аҳли ўзбек мақом санъати, эстрада қўшиқчилиги, ўзбек шеърияти орқали она тилимизнинг ўзига хос бетакрор оҳангидан баҳраманд бўлмоқда. Ўзбек тили — мустақил тараққиёт йўлидан илдамлаб бораётган давлатимиз, бунёдкор ҳалқимиз маънавиятининг ёрқин бир кўзгуси, эркин ва озод ҳалқ бўлиб юксалишимизнинг яна бир муҳим белгиси сифатида юксак мақомда жаранглаб турибди.

Манзура БОЛТАБОЕВА





Ўзбекистон Республикаси Вазирлар Маҳкамасининг 2013 йил 25 июндаги «2013-2018 йилларда замонавий маданият ва аҳоли дам олиш марказларини ташкил этиш чора-тадбирлари тўғрисида»ги 178-сонли қарорига асосан 2018 йилга қадар Хоразм вилоятида 65 та Маданият ва аҳоли дам олиш марказлари ташкил этиш белгиланган.

Шу кунгача вилоятда 13 та ана шундай марказлар фойдаланишга топширилди.

2015 йил охиригача яна 6 та замонавий аҳоли дам олиш маркази фойдаланишга топширилиши мўлжалланмоқда.



Guliston 2015/5/17



ОТАУЛИ

«*Doston – bu xalqning oʻzligi, oʻlmas ruhi, koʼngil visoti...*»

Истеъодли ёзувчи Отаулининг илк асари — «Сирли олам» бадиаси 1976 йилда «Гулистон» журналида чоп этилган. Ўтган давр мобайнида адаб қатор салмоқли асарлари билан китобхонлар меҳрини қозонди. Айниқса, ёзувчининг 1999 йилда чоп этилган «Элчи (Афанди ўлмайдиган бўлди)» насрый достони адабий жамоатчилик томонидан қизгин кутиб олинди. Қўйида адабининг «Тилсим» асаридан олинган парчани эътиборингизга ҳавола этамиз.

...Минг афсуски, қаҳрамонимиз узоқ йиллик изла-нишлар ниҳоясида ният қилган шу достонни ёзолмади. Агар ёза олганида, қандай достон бўлар эди у? Ёзма адабиётнинг «Алпомиш»и бўларми эди, ким билсин!..

Эртақдаги Кенжада ботир уddeлай оладиган, Мулла Ботирнинг набираси, Зокир муаллимнинг кенжада ўғли уddeлаши эҳтимол бўлган бу ишни энди ким ҳам уddeлай оларди дейсиз! Бизнинг имкониятимиз ҳам, ниятимиз ҳам, аввал-бошда тан олиб айтганимиздек, ўта чекланган. Ишимиз ҳолимизга яраша: кўнгилларга йўл топишигина. Модомики, мурод-мақсадимиз тил учидан дил қаърига қадарлик борса келмасдан мушкул йўлдан ўтиб, кўнгил бисотига етиш экан, қаҳрамонимиз кўнглида кўп йиллар асраб-ардоқла-ган энг муқаддас ганжина ва энг пинҳон нуктага (нуктага эмас, нуктага!) бирров назар ташлайлик! Қиссадан ҳисса, неча-неча йиллар мобайнида қанча-қанча қофозларни қоралашдан кўзда тутилган пировард мақсад шу, ахир!

Хўш, достон нима? «Қаҳрамонлик эпоси»ми? «Шеърий роман»ми? «Поэма»ми? Нима ўзи бу достон деганлари?!

Болалик йилариданоқ «Алпомиш», «Гўрўғли», «Далли», «Равшан», «Балогардон», «Маликаи айёр»...

кўйингчи, она тилида мавжуд юздан ортиқ достонларни кулоғига қўргошибиндек қўйиб, кўзларига сурмаи сурайё қилиб улғайган Кенжа достон хусусида кўп ўлрайди. «Достон нима?» деган саволга муттасил ва мукаммал жавоб қидиради.

Эсида, бундан ўн беш йил муқаддам Тил-адабиёт институтининг Нутқ маданияти бўлимида нақ Хумо куши бошига кўнишидан аввал бўлиб ўтган қисқагина сухбат асноси Фозил Шариф унга иккитагина савол берди. Аввалига ҳужжатлари билан «Яссавий — Йиғлаган ота» мақоласини кўздан кечира туриб сўради: «Хорижий ускуналар тилини билишингиз яхши, бўтам, бироқ уларга ўралашиб умр ўтказмоқчимисиз, ё нутқ маданияти масалаларига чуқурроқ кириш ниятингиз борми?...» «Чуқурроқ кириш ҳам гапми! — деди Кенжа ич-ичдан гижиниб. — Иложи бўлса, тубтубига шўнғисам дейман, домла! Ҳали энг ноёб гавҳар менинг топганим бўлади, худо хоҳласа!...» Кенжанинг шаҳди кутганидан ҳам баландроқлигига ишонч-у қаноат ҳосил қилди, шекилли, Фозил Шариф иккинчи саволига ўтди: «У ҳолда айтинг-чи, бўтам, достон нима?...» «Достон... достон бу... — Кенжа кўнглидан кечётганларини тилда кўнгилдагидек ифодалаётмай аввалига бир муддат эсанкираганча дудуқланди. Кейин... ич-ичдан иккинчи нафас йўли очилдими, фойибона бир куч мададкор бўлдими, фикри дафъатан равшан тортиб (кейинчалик билса, шарқона тилда — бадиҳагўйлик, гарбона тилда — импровизация деб аталар экан бундай ҳолат!) алланечук жўшиб тилга кирди: Достон — бу ҳалқнинг ўзлиги, кўнгил бисоти, кечмиш-кечирмиши, ҳис-туйгула-ри... хуллас, ҳалқнинг ўлмас руҳи, домла!» «Ана, кўрдингми! — Фозил Шариф нимагадир унга эмас, ёнида ўтирган қирқ ёшлардаги бир одамга (кейинчалик билса, «Алпомиш» достонининг жамики тур-

кий нусхаларини қиёсий таҳлил қилган олтойлик шогирдига қаради: — Шу йигирма беш яшар оддийгина жарроҳнинг достон ҳақидаги тушунчаси анови алломаи замонларнинг тушунчаларидан тиникроқ! Довдир бола йўлида дуч келган чолни «бобом» деганидек, бобни билмайдиган чаламуллалар атиги уч варакълик енгил-елпи шеърий тизмани «достон» деб юришибди! Халқнинг юздан ортиқ достонга сифмаган руҳи... уч варакқа сифадими, ўзинг танангга бир ўйлаб қара!..»

Мана, ўн беш йилдирки, у достоннинг нималигини теранроқ англаб етишга жон-жаҳди билан интилиб яшайди. Ўйлайдики, ўшанда — ўн беш йил муқаддам домланинг саволига, умуман олганда, тўғри жавоб берибди. Айниқса, достон, дарҳақиқат, халқ руҳининг энг буюк кўзгуси! Фозил Йўлдош, Эргаш Жуманбулбул, Ислом шоир, Пўлкан шоир, бошқа кўпдан-кўп баҳшиларимиз ижро этган жаҳонда беназир достонларимизда шундай бир руҳ, руҳий кувват, илоҳий қудрат борки, унинг на поёнига етиб, на оддийгина ва ё иммий тус берилган бурама-гажак жумлаларда тушунириб-изоҳлаб бўлади. Уни фақатгина ҳис қилиш керак! «Чўмичдаги сув Ганг эмас! — деган буюк ҳинд мутафаккири Рабиндронат Тагор. — Ганг дарёсининг бекиёс тароватини ҳис қилиш учун унинг соҳилига бориш керак!» Шунчаки дарё эмас, бепоён уммоннинг улуғворлигини соҳилда турибигина эмас, иложи бўлса, туб-тубига шўнгиб ҳис қилинганидек, «халқ» билан «достон» деб аталувчи бепоён уммонлар сидқидилдан, чин юракдан туйилади. Зоро, «халқнинг руҳи» деса дегудек достон манзиратдек тил учида айтилмайди, ҳасратдек дил қаъридан чиқади. Шунинг учун ҳам хиргойидек енгил эмас, катта ашуладек оғир бўлади у! Оғизда эмас, бўғизда айтилади. Ўйнаб-кулиб эмас, куйиб-куйиниб, бўзлаб айтилади. Том маънодаги оғзаки нутқ — бадиҳа — импровизация — бу ҳалқумдаги жон демак! Оғзаки достон — ҳалқумга жондек қадалган ҳалқ руҳи демак!

Она тилидаги ёзма достончилик мактаби хусусида ўйлар экан, Кенжанинг кўз олдида, аввало, беш нафар қалам паҳлавони гавдаланади: «Қутадғу билиг»ни яратган Юсуф Хос Ҳожиб, «Хибат ул-ҳақоқиқ»ни яратган Аҳмад Юғнакий, «Фарҳод ва Ширин»ни яратган Кутб, «Юсуф ва Зулайҳо»ни яратган Дурбек, «Гул ва Наврӯз»ни яратган Лутфий! Ана ундан кейин Низомий билан Дехлавий панжаларига панжа урган, балки, аввало шу беш достонга ўзининг беш достондан иборат «Ҳамса» асари билан қойилмақом жавоб қилган, беш забардаст шоирнинг ишини қилиб, байни биргина асарда беш қитъани бирлаштирган ҳазрат Алишер Навоий! Хўш, ундан кейин-чи, хўш, ундан кейин? Қани туркигўй достоннавис? Қани достон?..

Тўғри, Навоийдан кейинги беш асрлик ёзма нутқ тарихида якка-ягона мўъжиза — Муҳаммад Фузулийнинг «Лайли ва Мажнун» достони бор!


Мана, ўн беш йилдирки, Кенжабир мурасим остида, айниқса, кўп бош қотиради: нега Жулқунбой ҳам, унинг севимли бош қаҳрамонлари — Отабек билан Кумуш ҳам Фузулийни беҳад севар эдилар? Дейлик, Кумуш Отабекнинг «тил остида тил сақлаб» Зайнабга уйланиши ҳақидаги шум хабарни эшитганида нега

бошқа бир китобдан эмас, айнан Фузулийдан паноҳ қидирди? Сабаби фақатгина «Фузулий — яхши китоб»лигидами? Фузулийнинг қай китоби назарда тутилмоқда? «Лайли ва Мажнун» достони эмасми, мабодо?!

Бундан ҳам ажаброғи, нақ тилсим қадар сир-синоатли жойи шундаки, туркий халқлар орасида Фузулий достонидек улкан довруғ қозонган дастлабки баркамол туркий роман — «Ўткан кунлар» асарига ёзган уч жумла муқаддимада Жулқунбой «Янги даврда... халқимизни шу замоннинг «Тоҳир ва Зухра»лари, «Чор дарвиш»лари, «Фарҳод ва Ширин» ва «Баҳромғўр»лари билан таништиришга ўзимизда мажбурият ҳис этамиз» дейди-да, ўз асарини шу йўлдаги дастлабки уриниш сифатида баҳолайди. Асарнинг жанрини эса, дейлик, Авлонийнинг «Туркий гулистон»ига ўхшаб поэма деб эмас, айнан «роман» деб атади. Сабаби — фақат камтарлиқдами ё романнинг, умуман, жаҳон адабиётида, хусусан, миллий адабиётдаги мавқейини достондан баландроқ деб билишдами?

Кенжабир ўйлайдики, сабаб унда ҳам эмас, бунда ҳам, бутунлай бошқа ёқда! Сатрлар замирида учинчи — асл сабаб, теран мантиқ «мана мен» деб турибди. Жулқунбой шуни жуда яхши билар эдики, юзлаб оламшумул оғзаки достонлар, ўндан ортиқ қойилмақом ёзма достонларда ўз ифодасини топган буюк бир халқнинг ўлмас руҳи поки... ҳарчанд зўр бўлмасин, «Ўткан кунлар»дек «кичкина бир тажриба, яна тўғриси, бир ҳавасга сивавермаслиги муқаррар эди! Бу ўлмас руҳ ҳали ўзи яратишга чоғланган, бемалол ички бир қаноат билан «достон» деб атаса бўладиган янги асарларда, ўз издошлари яратажак асарларда яна-да ёрқинроқ ифодаланишидан умидвор эди!

Афсуски, бу умид Қодирийнинг жисми билан бирга тупроққа кўмилди. Мустабид Шўро тузуми бу умидни мурғаклигидәёқ бўғиб ташлади. Қодирий аввал навбатдаги романга, сўнгра қиссага ўтишга, яъни қадам-бақадам «ўзида ҳис этган мажбурият» томон юриш эмас, ортга чекинишга мажбур бўлди. Миллий ёзма адабиёт қасрининг тўрига роман чиқарилиб, достон эса, аксинча, пойгакка туширилди. Достон ўта майдалаштирилиб, жўнлаштирилиб, аллақандай «лиро-эпик асар», оддийгина «поэма» сифатида талқин этилди. Ҳолбуки, достон ўзининг миллий табиити ва ҳалқ руҳини ифодалаш имкониятлари жиҳатидан романдан ҳам юксакроқ эди: ҳалқ руҳининг энг улкан ва чинакамига миллий кўзгуси эди! Умуман, жаҳонда «достон» сўзининг ҳам, «роман» сўзининг ҳам туб лугавий маъноси «ишқ-муҳаббат» бўлиб, бири — Шарқ адабиётининг, иккинчиси — Фарб адабиётининг етакчи жанрини англатувчи сўзлар эди. Яна шуниси ҳам борки, жаҳон адабиётida достон романдан қадимиюроқ, ҳам салмоқлироқ бўлиб, аллақандай «лиро-эпик жанр»ни эмас, айнан «эпос» маъносини англатар эди. Шунинг учун ҳам жаҳон ҳалқларининг энг буюк эпослари — «Рамаяна» билан «Махобхорат» ҳам, «Илиада» билан «Одиссея» ҳам, «Алпомиш» билан «Гўрўғли» ҳам «достон» деб аталар эди. Ёзма адабиётда эса, бу сўз «эпопея» маъносини англатар эди!



Икром ОТАМУРОД

Таниқли шоир Икром Отамурод бугунги кунга қадар миллий шеъриятимизда ўзига хос ижод намуналари, қолаверса, «Ярадор умид отлари», «Сопол синиқлари», «Изтироб» каби достонлари билан кўплаб шеърият муҳлислари қалбини забт этган.

Журналинизмининг бу галги сонида шоирнинг «Балки...» деб номланмиш янги достонидан парча эълон қилинмоқда.

Balki...

...Балки...
...Балки...
...Балки...

* * *

...Балки, вақт
маконни назарга илмай,
шиддат билан емираверар
турфа-турфа
йўсинга
чоғлаб...

* * *

...Балки,
умидни
тиклириб-тиклириб,
йўрттирас-йўрттирас
тоқатнинг
бағрига
жойлаб
жойини...

* * *

...Балки,
хаёлингда қолган суратга
интизор-интизор
тиклиб-тиклиб,
зифирча гард қўндирамай,
унутмай
зинҳор-зинҳор
олиб юраверасан
соғинчингни
гуллатиб мудом...

* * *

...Балки,
салом.
Балки,
хайр.
Балки,
шодлик.

Балки,
ғам.
Балки,
кангулдан учган тайр.
Балки,
кўздан сириқкан нам...

* * *

...Балки,
томларнинг
баланд-баланд
сатҳида
қалин-қалин
тўшалган
қорлар
айланиб
майда-майда
томчиларга,
тарновлардан
томғилаб-томғилаб
пайдо қиласи
тупроқнинг
кўксига
сингиб-сингиб,
кўшша-кўшша
косаларни...

* * *

...Балки,
дунё
бағринг тубида нола —
ижтиnob уҳига тўлиб бўэлайди.
қай бир ўстирганинг дардингга ҳола,
қай бир ўстирганинг тифин кўзлади.

...Балки,
дунё
қай-қай томонларнингда
не-не анволарга товланар илинж.
ҲАҚни бажо айлаган онларнингда
ўкситиб-ўкситиб қақшатади гинж.

...Балки,
дунё
эшигин кимдир бузиб,
титмоқ истар аzon қатламин он-он.

Дунё шу ҳолатдан боради тўзиб,
дунё ҳовлисида юурса нодон.

* * *

...Балки,
қанча
кўп ташласанг
назар
англагандай бўласан
атрофингни,
бамисоли,
ўйлар сирасинда
сезганинг
сингари
ўзингни...

* * *

...Балки,
самонинг
кўзёшлари
бир муддатгина
кўкартирас
муштоқ-муштоқ
термултириб
самога,
қақроқ-қақроқ
ёбоннинг
умри қисқа
гиёҳларини...

...Балки...





Umidbaxsh navolar tarannumi

Ўзининг мазмундорлиги, тарбиявийлиги ва умр-боқийлиги билан санъатнинг бошқа турларидан ажралиб турувчи фольклор халқимизнинг турмуш тарзи, дунёкараши, руҳий-эстетик олами, ички кечинмалари юксак бадиий ифода этилган азалий қадриятдир. Истиқолол йилларида халқимиз маънавий меросини ўрганиш, мазмунан шаклланиб, бугунги ойдин кунларимизгача етиб келган фольклор асарларини тўплаш ва кенг тарғиб этишга катта эътибор қаратилди, фольклор-этнографик жамоаларининг фаолияти жонланиб, янги бадиий ҳаваскорлик жамоалари шаклланди.

Хозирда Маданият ва спорт ишлари вазирлиги тасарруфидаги Маданият ва аҳоли дам олиш марказларида жами 64 та фольклор ансамбллари фаолият юритмоқда. Маданият ва спорт ишлари вазирлиги Ҳайъатининг қарорига асосан бу жамоаларнинг 52 тасига «Халқ ҳаваскорлик жамоаси», 2 тасига «Болалар намунали жамоаси» увони берилган. Ушбу жамоаларда икки мингга яқин ҳаваскор ижрочилар санъатнинг ўзлари севган йўналишлари бўйича ижодий фаолият олиб бормоқдалар.

Республика халқ ижодиёти ва маданий-маърифий ишлар илмий-методик маркази томонидан ўзбек фольклор санъатининг турли жанрларини ўрганиш, қадимијананаларимиз, халқ оғзаки ижодининг ноёб намуналарини сақлаш, ёшлар орасида кенг тарғиб этиш, бадиий ҳаваскорлик жамоаларининг дастурларини янгилаш, ижро йўллари, саҳна либослари, мусиқа асбобларининг худудий ўзига хослигини таъминлаш, жойларда фаолият юритаётган фольклор-этнографик жамоалари фаолиятини ривожлантириш юзасидан қатор чора-тадбирлар амалга ошириб келинмоқда.

Жорий йил Бухоро шаҳридаги Лаби Ҳовуз мажмуасида «Ипак ва зираворлар» XIV анъанавий халқаро фестивали доирасида Республика халқ ижодиёти ва маданий-маърифий ишлар илмий-методик маркази томонидан Ўзбекистон Миллий телерадиокомпанияси, «Ўзбектуризм» Миллий компанияси, «Олтин мерос» халқаро жамғармаси, «Тасвирий ойни» ижодий ўюшмаси ҳамда Бухоро вилояти Мад-

ният ва спорт ишлари бошқармаси ҳамкорлигига фольклор-этнографик жамоаларининг «Умидбахш наволар» республика кўрик-фестивалининг ўтказилиши ана шу ишларнинг мантиқий давоми бўлди. Унда танловнинг вилоят босқичи галиблари иштирок этди.

Ижрочиларнинг чиқишлиари намойиш этилган дастурнинг бадиий қиммати, мусиқа чолғулари ва саҳна либосларининг худудий хослиги, ижро маҳорати, овоз ва созларнинг уйғулиги, саҳна маданияти каби мезонлар асосида соҳа мутахассисларидан иборат ҳакамлар ҳайъати томонидан баҳоланади.

— Илк марта ташкил этилган мазкур анъанавий республика фестивалини мунтазам тарзда ўтказиш ижодкорларни илҳомлантириши, қадимиј фольклор намуналарини излаб топиш, уларга сайқал бериш, бугунги тинчлик замонни тараннум этадиган янги қўшиқлар яратишга ундаши, қолаверса, кўплаб ҳаваскор ижрочиларни кашф этишга хизмат қиласди, — дейди Республика халқ ижодиёти ва маданий-маърифий ишлар илмий-методик маркази директори Азамат Ҳайдаров.

Танловда Бухоро шаҳар Бобур номидаги Маданият ва аҳоли дам олиш марказининг «Моҳи-Ситора», Жиззах туманининг «Зебомхон», Навбаҳор туманининг «Ёр-ёр», Наманган вилоятининг «Гулдиёр», Хива туманининг «Хива», Оқдарё туманининг «Миёнқол», Гулистон туманининг «Сайхун йигитлари», Карши шаҳрининг «Ойдиной», Бойсун туманининг «Бойсун», Балиқчи туманининг «Зилол», Олмалиқ шаҳрининг «Навбаҳор», Кўқон шаҳрининг Раҳимахон Мазоҳидова номидаги «Кўқон ёр-ёри», Тошкент шаҳрининг «Дурдона» фольклор-этнографик ансамбллари қатнашдилар.

Жамоалар ўз худудларига хос бўлган қадимиј халқ қўшиқлари ва рақслари, айтишувлар, миллий халқ ўйинлари, урф-одат ва маросимларни ўзида акс этирувчи театрлаштирилган томоша дастурларини намойиш этиб, нафақат халқимиз, балки чет эллик меҳмонлар олқишига ҳам сазовор бўлдилар.

Назокат АҲМЕДОВА



Хай ХИНГ

Siz yashashingiz kerak

Ҳикоя

Эзниг кеч оқшоми. Ен Фу тепалиги.

Ныи Ха кўлининг суви аста кўтарилиб борар, кўл юзасида орол ҳосил қилгудай қирғоққа урилиб-урилиб тўлиб-тошарди.

Қизғиши сув бўйлаб, дараҳтларнинг синган шоҳшаббалари сузиб бораради.

Тхик тепаликда туриб бироз ўйга чўмди, сўнг қайтиб келди, аёлига бироз тикилиб пичирлаб сўради. Аёли бир осмонга, бир кўлга қараб, бошини чайқаб, чуқур хўрсинди:

— Шамол жуда кучайди, осмон остидаги анави қора булутларни қара, ёмғир ҳам ёғақолмади-а!

Тхик бир хўрсиниб олдида, вазмин қадамлар ташлаб кетар экан бирдан тўхтаб хотинидан сўради:

— Гуруч пиширдингми?

Хотин ғамгин овозда жавоб берди:

— Ҳа, бироқ, фақат у кечки овқатда икки боламизга базур етади, холос.

Эр-хотин сукут сақлаганича бир-бирларига қараб қолиши... Бироз вақт ўтгач, улар яна кўл қирғоғига келиши: ўша дараҳт шоҳ-шаббалари ҳали-ҳануз уфқ акси таъсирида қизарган кўл узра сузиб юарди.

Тхик зўр-базур мийифида жилмаяркан, хотини Лакка қараб деди:

— Ҳой!

Хотини бошини чайқаганича, ҳеч нарса демади. Тхик сўради:

— Бугун Ки холаникига бордингми?

— Ҳа, бордим.

— Ҳўш?

— Ҳеч гап йўқ. У ўтинларни олиб борганимиздан кейингина пул беришини айтди. Олдиндан пул бермас экан.

— Шунақами?

Унинг «шунақами?» деб айтган сўзи гўё деворга қаттиқ урилгандек жаранглаб чиқди. Тхик ишни тўхтаби, уйга отланар экан, қайтиб келиб, хотинига деди:

— Ҳой! Мен уйга қайтаяпман.

— Уйда Ниион бор, Бэ ҳам улар билан бирга ўйнаяпти.

Ниион эндиғина беш ёшда бўлса-да, укаларига жуда яхши қарайди.

— Майли мен кетдим... Сен ҳам қайтақол, қолиб нимаям қилардинг?

— Ҳўп, майли, сиз бораверинг, мен ҳам изингиздан бораман.

Ўзбекистон хорижий мамлакатлар билан дўстлик ва маданий-маърифий алоқалар жамиятлари кенгаши қатор давлатлар билан ҳамкорлик алоқаларини мустаҳкамлашга муносаби ҳисса қўшиб келмоқда. Ҳалклар ўртасидаги дўстона муносабатларни мустаҳкамлашда маънавий мерос, бадиий адабиёт, миллий анъана ва қадрияларнинг ўрни каттадир. Мазкур саҳифа Кенгаши қошидаги «Ўзбекистон-Вьетнам» дўстлик жамиияти кўмаги остида тайёрланган бўлиб, унда вьетнам ҳалқига хос қадриялар ва бугунги тинч ва фаровон ҳаётгача босиб ўтилган машаққатли кунлар ҳақида ҳикоя қилинади.

ОТАСИЗ БОЛА – ТОМСИЗ УЙ

Вьетнамда «ота-она» атамаси икки бўғиндан иборат бўлиб, шеваларда турлича номланади. Шимолликлар ота-онани «bo te» деб атасалар, марказий худудларда яшовчилар «thay» (туб маъноси – устоз), яни «thay u» деб аташади. Жанубликлар эса отани «tia», онани «ta» дейишади. Кейинчалик французлар таъсирида шаҳарликлар ота-онани «ba te», деб атай бошлишган. Айрим оиласаларда ота-онага «ака», «опа» деб мурожаат қилинади.

Улар доимо фарзанд тарбиясига алоҳида эътибор қаратишади. Ота-оналар қаттиқўл бўлиш билан бирга, ўзаро самимий муносабатларнинг сақланишига алоҳида аҳамият беришади. Ота-она фарзанди етук инсон бўлиб улғайиши учун ҳеч нарсани аямайди, улар ҳақида қайгуриб, ҳар томонлама билимли бўлишларига кўмаклашади. Вьетнамликлар томонидан «Отасиз бола – томсиз уй» деган нақл бекиз айтилмаган.

Шунингдек, оиласада фарзанд учун онанинг ўрни бекиёс бўлиб, ҳалқ мақолларида «кексайлан оналар банаң ҳиди, ёпишқоқ гуруч ва шакарқамишдай ёқимлидир» тарзида таърифланади.

Боиси, вьетнамликлар ҳаётида узоқ йиллар давом этган урушлар асносида тирик қолиш учун, эрк ва озодлик йўлидаги заҳматларни енгигб ўтишда банаң, ёпишқоқ гуруч ва шакарқамиш энг муҳим озукавий воситалар ҳисобланган.

Ўҳшатишлардан англашилади, вьетнамликлар турмуш тарзида фарзанд тарбияси ўзига хос ўрин тутади.

Тхикнинг аёли Ен Фунинг ақлли аёлларидан.

Тхик оғир қадамлар ташлаб уйга кириб келди. Дим, қоронғу...

Хотини Лак остоңада турганча уйга толаркан, ўзининг камбағалликда ўтаётган оғир ҳаётини ўйлаб юраги эзилди.

Бўйра солинмаган уйда кечаётган машаққатли ҳаёт, йиғлаб турган уч гўдакнинг ғингшиб онасига талпиниши... Она сутини соғинган болакай Бонинг чирқираб зорланиши... Тушдан то кечгача эммаганидан унинг қорни жуда очиқкан эди.

Ниион укасини овутишга ҳарчанд уримасин, у сира кўнай демасди. Шу пайт остоңада онаси Лак кўринди.

У шошганча югуриб келиб болани қўлига оларкан эркалаб деди:

— Бўлди, бўлди! Узоқ қолиб кетиб, сени оч қолдирдим, йиглатиб қўйдим-а?

У аввал Бэни овқатлантириди, сўнг Бони. У болани узоқ вақт кўкрагига тутиб турди, бироқ... сут келмасди, бола онасининг кўкрагини итариб, аламдан янаем баландроқ йиглай бошлади.

Она нима қилишини билмай чуқур хўрсинди, томогига нимадир тиқилгандек бўлди, қоп-қора кўзлари ёшга тўлди. У ўрнидан турганча болани қучоқлаб, дам юрар, дам аллалаб, дам бағрига янаем қаттикроқ босганча дерди:

— Болажоним! Нима қиласай, егани хеч вақо йўқ. Сенинг қорнингни тўйғизай десам, сут ҳам келмаяпти...

Бироздан сўнг, болакай йиглаб ҳолдан тойиб ухлаб қолди. Лак шовқин солиб, укасини уйғотиб юбормаслиги учун иккала фарзандини ўйнагани ташқарига чиқариб юборди.

Сукунаттага чўмган хонада унсиз ўтиаркан, хаёлга толди. Ўтган умрига назар солди. Улар ўта оддий ва оғир меҳнатда, камбағалликда ҳаёт кечиришади. Кўп нарсалар ҳақида ҳатто орзу қила олмайди. Унинг кичкина жуссасига ҳаёт қанчалар катта ва оғир юкни юклаб қўйиди. Дили баҳтдан роҳатланганини эслай олмайди, фаровон турмуш нималигини билмайди, гўёки баҳт унга бегонадек.

У ўн етти ёшида Тхикка турмушга чиқди. Йиллар ўтди. Уларнинг ачинарли, қоронгу ҳаёти ёришай демасди. Бирин-кетин фарзандлари дунёга келди. Машақатлар эса камайиш ўрнига тобора кўпайиб борарди...

... Тхик бироз қарз олиб, қайиқ сотиб олди. ... яна қизил шафақ қоплаган кўлга юзландилар.

Куруқ дарахтнинг синган шохлари... Кучли шамол...

Бугун у охирги қарзини узди...

Қайиқни сувга тушираётган эрини кўриб, Лак унга яқинроқ келди.

— Қаерга кетяпсиз?

У негадир кўзини ердан узолмай хотинига узуқ-юлуқ дудуқланди:

— Не-га бо-лалар билан уйда эмас-сан?

Лакнинг юраги бир нималарни сезгандек нотинч уради. У хавотирланиб эрига юзланди:

— Болалар ... улар ухляяпти...

— Сен... сен бу ерда... нима қиляпсан?

— Сиз, сиз қайиқни сувга тушириб, қаерга кетмоқчисиз?

— Ишинг бўлмасин, бор, уйга қайт!

Бирдан Лак юзини қўли билан ёпганча йиглаб юборди. Тхик хотинига қараб оғир хўрсинди:

— Нега йигляяпсан?

— Бо! Ниион! Бэ! Улар ҳали кичкина. Йўқ! Сиз... Сиз ҳали яшашингиз керак! Наҳотки, мени мана шу кўлда, қуруқ дарахт шохлари орасида бир ўзимни ёлгиз қолдириб кетмоқчисиз, ўтинаман, бизни ташлаб кетманг...


Тхик бир қора булат қоплаган осмонга, бир чайқалиб турган сувга маъюс тикиларкан, узоқ вақт жим қолди, сўнgra бемажол лабларига жон киргандай бўлди:

— Йўқ, сизларни ташлаб кетмайман, кетолмайман...

Шамол борган сари кучайиб борарди, сув тинмай чайқаларди, бир оздан сўнг тун қуюқлашиб осмонда чарақлаб юлдузлар кўринди...

Вьетнам тилидан
Дилбар КОДИРОВА таржимаси







**Ҳар фаслнинг ўз хислати бор,
Ҳар фаслнинг ўз фазилати...**



Bori elg 'a yaxshiliq qilg 'ilki, mundin yaxshi yo q...

Фарғона водийсининг жанубида жойлашган Сўх туманининг ичкарисида, баланд Ҳисор тоғлари ёнбағрида Ҳушёр қишлоғи бор (аслида тоғ сўзининг форсчаси — «ҳисор»га монанд бўлгану, кейинчалик ўзгариб кетган). Қишлоқ унча катта эмас, аммо анча қадимий, кўп воқеаларниң гувоҳи. Чунончи, у машҳур шоҳ ва шоир Мирзо Бобурга бир муддат ошён бўлган. Бу ҳақда «Бобурнома»да шундай деб ёзилади:

«Муҳаммад Шайбонийхон Тошканд ва Шоҳруҳияни олғон маҳалда, Сўх билан Ҳушёр кўхпояларига келиб, бир йилга ёвук танқислиқ била ўткариб, Кобул азимати қилдим».

Ха, Шайбонийхон томонидан Тошкент ва Шоҳруҳия ҳам эгалланганидан сўнг ноилож Бобур Мирзо Фарғона водийсига чекинади. Афсуски, у бир пайтлар подшо бўлган Андижону Фарғона ҳам унга душман бўлган ҳукмдорлар қўлида эди, шу боисдан, у ўз жони ва оиласини сақлаш мақсадида бундай узоқ ва хилват масканга чекинишга мажбур бўлган эди. Сўх ва Ҳушёр аҳолиси унга ёвлик қилмаган, аксинча, қўлидан келганча ёрдамини аямаган. Шундай бўлса ҳам, бу ерда ҳукмдорнинг оиласи, ёнидаги навкарлари бироз қийинчилик билан кун кўришга мажбур бўлишган. Буни Бобур Мирзо юқорида қайд этиб ўтаяпти. Бобур бу ерда жуда изтиробли дамларни бошдан кечирган. Устма-уст

мағлубиятлар натижасида тожу тахтнинг кўлдан кетиши, ўз жони ва яқинлари бошида турган ҳавфу хатарлар, келгуси ҳаётнинг қандай кечиши борасидаги мушкул ўй-муаммолар... Балки шоирнинг машҳур:

**Чархнинг мен кўрмаган
жавру жафоси қолдиму,
Хаста кўнглум чекмаган
дарду балоси қолдиму?**

**Мени хор эттию қилди
муддаийга парвариши,
Даҳри дунпарварни ўзга
муддаоси қолдиму?**

деган аламли мисралари шу ерда битилгандир. Бошқа ердан кўмак олишнинг иложи бўлмагач, ўз тожу тахтини қайта қўлга киритишдан умидини узган Бобуршоҳ қўшни Афғонистон томонларга бориб ўз баҳтини синаб кўришга аҳд қилган ва кейин тоғлар ошиб ўша томонга йўл олган. Айтишларича, шоҳнинг бир қизи шамоллаб хасталаниб қолганлиги, уни совуқда тоғлар орқали олиб кетишининг иложи бўлмагани боисидан шу ерда — Ҳушёрда қолдириб кетишга мажбур бўлишган. Ҳушёргиллар ўша шоҳ қизига меҳрибонлик кўрсатишиб, уни давола-

ганлар ва оёққа турғазиб, бир йилдан кейин Кобулга, отаси ҳузырига олиб бориб топширишган. Шу сабабли Бобуршоҳ билан ҳушёрликлар ўртасида узоқ вақтгача яхши муносабатлар давом этган. Яна «Бобурнома»га мурожаат этамиз:

«Бевилоят ва беватан юрган ерларимиз ва Сўхва Хушёрдин келганларга чакманлар ва қумош хильялтлар ва олтундин ва кумушдин инъомлар бўлди».

Бу сўзлар Бобуршоҳнинг Ҳиндистонни эгаллагандан сўнг ўюштирган тантанали базм-тўйи ҳақидаги қисмида битилган. Яъни Бобур Мирзо ўзига яхшилик қилиб, оғир кунларида кўмак қўлини чўзган ушбу қишлоқ аҳлига ўз миннатдорчилигини билдиришни унутмаган.

Мен бу воқеа ҳақида фикр қиласканман, Ҳушёр ва Сўхдаги оқсоқоллардан: «Сизларнинг аждодларингиз Бобуршоҳга яхшилик қилиб кейин унинг шоҳона миннатдорчилигига сазовор бўлган экан, хўш, қани, айтинглар-чи, улар кимларнинг ота-боболари бўлиши мумкин?» — деб суриштиридим. Оқсоқоллар бу маънида аниқ бир гапни айттолмадилар, аммо улар шу қишлоқ, шу ернинг одамлари бўлишган, бинобарин, уларнинг авлодлари ҳам шу ерда яшаб келишяпти. Майли, халқ тили билан айтганда: «Яхшилик қил, дарёга от — балиқ билур, балиқ билмаса — холиқ билур». Бу ҳақда Мирзо Бобурнинг ўзи шундай мисралар битганлиги маълум:

**Бори элға яхшилиқ қилғилки,
мундин яхши йўқ,
Ким, дегайлар даҳр аро
қолди фалондин яхшилиғ.**

Ҳушёрнинг тепароғида бир майдонча бор, бу ерни Бобуршоҳ майдони дейишади. Демак, шоҳ ва шоир шу атрофдаги хонадонлардан бирида истиқомат қилган. Мен майдончани кўздан кечирарканман, кўзим унинг четидаги бир харсангтошга тушди. Балки бу тош ўша замонда ҳам бўлгандир, Мирзо Бобур унга суюнганча хаёлга чўмиб, ўз режаларини тузгандир, ўзининг аламли мисраларини дилдан ўтказгандир... Ҳа, дунё ўткинчи, тош — тошлигича тураверади, инсондан эса яхши ёки ёмон деган ном қолади.

Мухтор ҲУДОЙҚУЛОВ



Султон МУРОД

Ё УЛ ҚИЛИБ, Ё БУЛ ҚИЛИБ...

Сен яратдинг, оҳ, Уни бир гул қилиб,
Бу кўнгилни ишқида булбул қилиб.

Гарчи сўнг йўлида монеъ истадинг,
Кўйдинг охир Ўзига бир қул қилиб.

Гул, тиконлар ичра пинҳон айладинг,
Зору илтижоларим бир пул қилиб.

Ё қил инсоғ ёки бу тизгинни торт,
Дилга парвоз берма-да Дулдул қилиб.

Ишқида қўлга қалам тутқаздинг-а,
Охири, ё ул қилиб ё бул қилиб.

Эй, қачон Султон муродига етар,
Ёзганин девон тузиб, сўз мўл қилиб?

ШАМСУ ҚАМАР

Шамсу Қамар, Шамсу Қамар, Шамсу Қамар,
Иккисини боғлаш учун Ер — камар.

Шу тариқа ўтди, мана, неча замон,
Кўрдимикан заррача наф ёки самар?

Балки, самар ният эмас иккисига,
Суҳбат учун топган улар вақти сахар?

Субхи сахар пайти олар ҳамма нафас,
Жонлиғу жонсиз бўлар у, қатъи назар.

Кундузи излар Қамарин, вахки, бу Шамс,
Кечалари Шамсини излар бу Қамар.

Нур сочар бириси кундуз, бири — тун,
Ер нима дер, иккиси гар ютса заҳар?

Иккисига, балки, ёзилар савобу,
Қовушади, балки, улар рўзи Ҳашар.

Бўлди Муродийга ишора: «Битгил!» — деб,
Хотифи Ҳақ орқали бир келди хабар.

Вазни бўлур «муфтаилун», уч сира айт,
«Шамсу Қамар, Шамсу Қамар, Шамсу Қамар».



Тўлкин ҲАЙИТ

**ко‘к
qalam**

Ҳикоя

— Қаламим қани?

Жўравой меҳмонхона остидаги уйчадан эшитилган бўғиқ товушга эътибор ҳам бермади. У Жамолнинг ҳар кунги жаврашига ўрганиб қолган. Унинг кўк қаламини кеча гилам остига ўзи яшириб қўйган эди. Бугун Садбаргойимнинг меҳмонга кетганини билиб, Жамол яна кулбасида расм чизиш билан овора, ундан кўра, қозонни ювса бўлмайдими?!

Озингина Жамол ҳовлига югуриб чиқди. Зина айланиб ўтаётгандага кўк қўйлагининг енги темирга илиниб, шир йиртилди. Етимнинг қўли кўйса кўйсан, кийими йиртилмасин, ҳаҳ аттанг, бозордан яқинда харид қилган эди-я!

— Ака-а-а?

Жўравой унга тиржайди:

— Ҳа, жўжакўро?

— Кўк қаламим қани-и-и?

— Осмонда!

— Ерга тушириб беринг!

— Воҳ, зорманда-ей, гапниям тешворасан-а!

— Ҳали шошмай туринг!

Жўравой етимнинг кўнглини оғритмай дедими, ишқилиб, дарҳол паст тушди:

— Кекирдагингни чўзмасдан гиламнинг остига қарасанг-чи!

Жамол кичкина хонасига қайтиб кирди: ўнг ва чап томонда иккита диван-каравот: киришдаги — уники, тўрдаги — Жўравойники; ерга сарғиши гилам солинган, деворга гулқоғоз ёпиштирилган, шарққа караган дераза... Жамол бу уйга Жўравойдан кейин келган, шу уйда яшаётганига тўрт йил бўлди. Садбаргойим яхши аёл, лекин айтганларини бекаму кўст бажариш керак. Жамол ишдан эринмайди, тонг саҳарда туриб ҳовли супуради, чой кўяди, ошхонада нонушта тайёрлашда Жўравойга гинг демай қарашиб туради. Кейин мактабга бориб келади...

У сарғиши гиламнинг учини кўтарган эди, катта кўк қаламни кўриб суюнди. Шу ерга яширган экан, ҳаҳ, ҳали қараб турсин.

Жамол қаламни қўлига олиб, чангини пуфлаб артди, сўнг кўз олдида ўйнатиб, ўзича қувонди. Мовий рангни яхши кўради. Бу қалам билан завқланиб расм чизади. Қаламни уч ой олдин расм дарсида Зебо ўқитувчиси совға қилган эди.

«Яхши расм чизар экансан, шу қалам сенга совға, буни Тошкентдан олгандим», — деди. Шу қаламни кучоқлаб ухлаб қолган кечча онаси тушига кирди. Уйқудан туриб, бироз ўйланиб ўтириди, кейин хомуш тортиди, сўнгра «Шу қалам билан ойижонимнинг расмини чизаман», — деда аҳд қилди. Ўзиям, эрта-кеч онасини ўйлади, бир кўришга интиқ-интизор, аммо иложи йўқ. Икки яшарлигига онаси вафот этгач, Зухра холаси бокиб катта қилди, едирди, ичирди, тарбиялаб, суягини қотирди: энди у ҳам қариб қолди. Бундан тўрт йил олдин Садбаргойим «Шугинангизни менга беринг, ўғил қилиб олайин!» деган экан, мана, ризқини териб юрибди.

Уч ойдирки, онасининг расмини чизиш билан овора. Эрта чизади, кеч чизади, лекин сира ўхшатолмади. Ҳар гал чизганларини Зухра холасига ийманиб, уялиб, қимтиниб кўрсатади. Холаси расмга қарайди-ю, «ўхшамабди» дегандек бошини сарак-сарак қилади.

— Кўй, шу ишингни! — дейди унинг қийналганини кўриб. —

Аслида чизмаганинг яхши, руҳини безовта қиласан! — деда ўзича насиҳат ҳам қилади.

Жамол кечча чизган расмини газетага ўраб, ташқари чиқди:

— Жўра ака?

— Яна нима гап?

— Мен Зухра холамниги бориб келай! Айтманг яна!

— Ҳай, ўртоқ командир, айтмаймиз!

— Айтган нима?

— Ҳар нарса! — Жўравой кулишдан ўзини зўрга тииди. Унга шунаقا деб турмасанг, хафа бўлади. Ҳар ҳолда кўнгли ярим.

Зухра хола товуқларига дон бераётган эди. Расмни кўрди-ю:

— Сал ўхшабди! — деди лабини тишлаб.

Мактублар

Мактублар

Мактублар



Олтиж олма, дуо ол

Жамол билдики, бу сафар ҳам расм кўнгилдагидек чиқмаган.

— Кимга ўхшар эдилар, хола? — деб сўради тоқати тоқ бўлиб.

— Онангми? — Холаси бир зум ўйланиб қолди. — Онанг... онанг Шодмонбойнинг келинига ўхшар эди.

Жамол ташқари отилди. Шодмонбойнинг уйи холосиникдан тўрт ҳовли нарида, шаршаранинг бўйида. Келинини яхши танийди. Сарвара — қишлоқнинг энг сулув қизи. Мирзабойнинг ўғли — Ҳалим дўхтири «оламан» дер эди. Шодмонбойнинг кенжаси — Иззатилла уни илиб кетди.

Шаршара суви тепадан тушиб, катта туйнукдан Шодмонбойнинг ҳовлисига кириб кетади. Жамол туйнукка эгилиб, ичкари мўралади. Сарвара бошини юваётган эди. Қоп-қора сочи жуда қалин ва узун, бир тогорага зўрга жойлашарди. Қора соchlар, қоп-қора. Кулча юзи-чи?! Кулча юзи офтобда оқариб кўринади. Ним кумуш ранг, заррин жилолар. Тонгда соғилган сут ҳиди димогига урилиб, қилт юtingанча жувоннинг қора киприкларига боқди: сояси қовоқларига чизиқ тортиб турганга ўхшайди... Жуда чиройли-я! Онаси ҳам шунақа чиройли аёл бўлган экан-да! Ана энди ўхшатади, бу кеча, албатта, ўхшатади.

Ортдан тап этган товуш эштилди:

— Хув ярамас! Кимни пойляяпсан?

Ўгирилиб қараган эди, Шодмонбойнинг жияни — дўкон мудири — лунжлари осилган, қорача Қодиркул аввал башарасига тарсаки тортиб, сўнг бор кучи билан биқинига тепди. Жамол қушдек учиб, шаршарага қулади, ўнг биқини қаттиқ саншиб, юзи ловуллаб ёнди. Кийимлари шалаббо бўлиб, сувда зўрга ўзини ўнглади. Изиллаб йиғлаганча: «Мен ҳеч нарса қилмадим, амаки!» — деди, қирғоққа чиқкан эди, Қодиркул югуриб келиб, ёқасидан бўғди:

— Қани, бу ёққа юр, ҳароми...

Жамолнинг лабидан қон сизиб чиқди:

— Унақа ҳақорат қилманг, амаки!

— Ху, ярамас! — Қодиркул унинг қорнига тепди.

Уч-тўрт киши югуриб келди:

— Ҳой, Қодиркул, ўзингизни босинг, етимни хўрлаш гуноҳ!

Қодиркул ўзини оқлашга тушди:

— Буни қаранг, бунинг ишини қаранг: уялмайнетмай келинимизга кўз тикиб турибди...

Жамол ўнг биқинини ушлаганча таппа ерга йиқилди, оғзидан кўпик келиб, кўз олди қоронғилашди. Уни тезда дўхтирга олиб бордилар. Шифокор текшириб кўриб, жигари эзилганини аниқлади ва милицияга хабар берди.

Жамол тонггача алаҳисиради ва туш кўрди. Зуҳра холоси унинг чизган расмини қўлига олиб: «Қойил, худди онангнинг ўзини чизибсан! Энди ўхшатибсан!» — деди мақтади.

— Кўк қаламим қани?

Кимдир: «Алаҳисирайти!» деди.

Зуҳра холоси: «Тузалиб кетадими?» деб сўради иғфламсираб.

Жамол бўғриқди:

— Кўк қаламим қани?

Юмшоқ кўл унинг шишган бармоқлари орасига катта кўк қаламни қистириб кўйди...

Ассалому алейкум, «Тўлистой» журнали таҳфирияни! Мен Кўнгратотб ўзманининг Қайқум қишилогидан сизлаға мактуб йўллаяпман. Жорий йилнинг Президентиниз таомонидан «Кексаларни эвзозлаш йили» деб назаранини бизнинг оиласизғалиарни жуға хурсанд қилиди. Чунки бўйик Шафофат Ражабова яқинда юз ёнга тўйлайдар. Тиббнёт ҳоғимлари, маҳалла фаолиати ҷағарнинг ҳалиқан, соғилкларидан хабар олиб түршишибди. Асли эвзозда бўлан кексалар кўрсатилгаётган бу таъхъирлик ва эдтибордаган жиннатдоғ бўлиб, бу хайрий исларнинг дошида тўрган Юртбошилизни ҳуо қилиб юришибди.

Шукрли, бўйининг саккиз нафар фағрандари, диз — 38 нафар невағалари, 65 нафар эвара ва иккى нафар чеваралари ёнлашида насиҳат ва ғулолицдан баҳраманq бўлиб юришибди. Бўйинни барчак кийкимликлар яхши билишади. Қўни-кўйинилар, обидагилар ұларни тўйқлаг кўп чиқшиди. Бўйин кўпни кўрган, тажрибаси кўп дўлгани учун маслаҳатларини ҳеч килидан аямайди.

Оиласизғалиарнинг кўпчилиги ўқримим. Бўйин аввали фағрандарилик, кейинчалик бизнинг ўқимимизни котиб, назорат қилиб борланлар. Ҳозир кенже авлоқ бўлан үкалагим важиянларини төргад тўғрисида. Мен биомония фанни бўйича олимидағаларда шинбирок этиб, тўзиан вавилоят доссиятида ғолиб бўлсанман. Айни пайтда Самарқанд тиббнёт инситингубути 2-курс тағалассанман. Эршиған ютуқлағалида бўйининг ҳам хиссалари борлигиндан хурсандман. Бизнинг ҳар дир ютгенимиздан ұлар завқланис, кейинги ишларимиз чун ҳуо қилиб ტиғрадиляр. «Олтин олма, ҳуо ол», деган ганинг мазини ёзим мисолимда кўйяланман. Энг яхши жойи — отаоналаримиз шеңда пайтларида бўйининг эртаклари, ҳисоюларидан баҳраманq бўлиб ўстанимиз. Болалигимизда бўйин дига маталлар, тошишмоклар ғиқб берган бўлса, айни пайтда диз бўйимга газета-журналлар ғиқб бераяпниз. Бўйин яхши кўйағиган науғлар ишида «Тўлистой» журнали ҳам бор. Бўйин ёшишидан бу журналини севиб ўқимини, йигид юришини дига айтниб дерадиляр. Биз журналини бўйимга ўқиб бериш баробарида ўзимиз чун ҳам кўпгина маддимотларга эга бўламиш. Шу жаҳаёнда ўзимиз ҳам журналахонга айланмак. Энди бу науғни диз ҳам ишеб, тўйлаб кўймокдамиш. Бўйимдан ўтган бу жаҳонид бизда ҳам давом этади. Қачонлағди бирор асарни крайта ўқиши, бирор маддимотни крайта кўздан кечиши керак бўлганида журналадан фойдаланамиш.

Сизларнинг ижодий ишларнингизга барқавомлик, юртшилизғали бўйин сингари кексаларга солик, бағдамлик тилаб мактубини яқунлайман.

Фарғонч БОБОБЕКОВ

Guliston 2015/5 29



YOZUVCHINING QISMATI SHU:

ASAR RUHIDA AVVAL O'ZI YASHAB KO'RADI, SO'NG BOSHQALARNI YASHASHGA UNDAYDI

Ёзувчи Нормурод Норқобилов билан сұхбат

— Сизда бадиий ижодга ҳавас қаочон үйғонган?

— Ижодкорлик қобилияти инсонга Яратған томонидан бериладиган бебаҳо инъомдир. Бироқ табиат ато этган иқтидорни ривожлантириш ҳамда шакллантириш учун киши тиним билмай изланиши ва меҳнат қилиши зарур. Акс ҳолда, совуқ урган куртак гулга айланмаганидек, кишидаги ижодкорлик салоҳияти ниш уришга улгурмай, тезда таназзулга юз тутади. Бу үринде «куртак» сүзи бежиз тилга олинмаяпти. Боиси, бадиий ижодга ҳавас асосан болалықда үйғонади, сўнг тинимсиз ўқиш ва ўрганиш давомида секин-аста камолга етади.

— Сизда бу ҳол қандай кечган, яъни «куртак»нинг гулга айланишига нималар сабаб бўлган?

— Бунга онамнинг оқшомлари айтиб берган эртаклари ҳамда узун қиши кечалари навбат билан овоз чиқариб ўқиладиган ўзбек халқ достонлари сабаб бўлган. Биз фақат эртак тингламасдик, чоғимиз етганча воқеа ва образларни муҳокама қиласдир. Ўзимизча тортишардик, баҳслашардик, воқеликни тўғридан-тўғри эмас, қалбимиз призмаси орқали қабул қиласдик. Биримизга ёққан қаҳрамоннинг бирор қилиғи бошқа биримизга сира ёқмасди. Ана ўшанда онам ҳакамлик қилиб, воқеликка ойдинлик киритарди. Дарвоқе, эшитган достонларимга асосланиб достон яратиш қўлимдан келмасада, онамдан эшитган эртакларга ўхшатма тарзда эртаклар тўкишга жуда уста эдим. Тўқиган эртакларимнинг биринчи тингловчилари тенгдошларим бўларди. Эртаклар орасида қистириб ўтиладиган шеърлар муаллифи ҳам ўзим эдим. Аммо буни ҳеч ким билмасди ва бирор билиши зарур деб ўйламасдим ҳам. Айтган эртакларим болаларга хуш ёқса, ўзимни етти қават осмонда ҳис этардим ва баттар руҳланиб, мисли гулдай очила борардим. Энди ўйлаб кўрсам, менинг баҳтим — теварагимдаги тингловчиларнинг тийраклиги, яъни лоқайд ва

бепарво эмаслигига экан. Баримизда эртак ва китобхонликка нисбатан ҳавас ва муҳаббат фоятда кучли эди.

Мактабнинг мўъжаз кутубхонасидаги саноқли китобларни талашиб, навбат билан ўқирдик. Бироқ онам — Ҳанифа момо айтиб берадиган эртакларнинг сехри, барибир, бошқача эди. Кейин билсам, эртак айтишдан эртак айтишнинг фарқи бор экан: эртак айтиган одамнинг овози керакли жойда товланиши ва тусланиши лозим экан. Тенгқурларим орасида юзага келган шу хилдаги илиқ муносабат, аниқроғи, муҳит туфайлими, синфимиздаги ўғил-қизларнинг ярмидан кўпи шеър ёзарди. Лекин қизиқ жиҳати, баримиз ёзган машқларимизни газета-журналларда чоп этириш Фикридан йироқ эдик. Қарангки, бу нарса хаёлимизга ҳам келмасди. Биз учун шеър ёзиш ва ёзганларимизни бир-бirimizga ўқиб беришдан мароқлироқ машғулотнинг ўзи йўқ эди. Бу борада адабиёт ўқитувчимиз, мархум Мурод домланинг ҳам ҳиссаси жуда катта эди. У киши ҳар сафар синфга кириб келиши билан биз бешинчи синф болаларидан шундай деб сўрардилар: «Хўш, бугун ким қандай шеър ёзди?» Ким шеър ёзган бўлса, уни бор овозда ўқиб берарди. Мурод домла ҳеч кимнинг машқини танқид қилмасди, қайтага дерди: «Иқтидоринга балли! Сен билан шу қўёш остида юрганимдан, бир ҳаводан нафас олаётганимдан кувонаман, фахрлана-ман! Ҳа, бу шеъринг янада ажойиб чиқибди! Офарин». Бундай эътибор ва мақтовлардан сўнг шеър ёзмай бўладими, яъни куртакдан гулга айланмай бўладими. Мана, ҳақиқий адабиёт ўқитувчиси қандай бўлиши керак. У киши бизга қанот берарди, ўзимизга нисбатан ишонч туйғусини үйғотарди. Мен бу бағри кенг инсонга ҳамиша таъзимдаман!

— Демак, дастлаб насрда эмас, назмда ижод қилган экансиз-да?

— Худди шундай. Аслида ёзувчиларнинг аксарияти дастлаб шеърлар машқ қиласди...



— Сиз қатори шеър машқ қилғанларнинг бари шоир бўлдими?

— Ахир ҳамма ҳам шоир бўлавермайди-ку! Бу ерда энг муҳими, ўзига хос ижодий муҳитнинг мавжудлигидир. Ўша ижодий муҳит туфайли барчамизниң қалбимизда эзгулик чечак отиб, ўзимизни ўзга бир нурли оламда юргандек ҳис этардик. Қувлик ва шумлик биздан жуда йироқда эди. Машқ ва китобхонлик туфайли ўқишига ҳавасимиз фоят баланд эди, тезроқ улғайиб юртимиз корига ярашдан бошқасини ўйламасдик. Хуллас, ўзича шеър машқ қилиб юрган йигит-қизларимизниң ҳеч бири кам бўлмади.

— Ижодкорлик — Яратган юқтирган мўъжиза. Кимдир уни ривожлантиради, давом эттиради, кимдир эса йўқ. Бунинг боиси нимада деб ўйлайсиз?

— Ижод бу — тинимсиз меҳнат, доимо қалбда жўш уриб турадиган ўтли туғён. Мабодо, қалбда туғён сусайса, ижод ҳам ўз-ўзидан сўнади. Ўз навбатида, ижодий меҳнатга бардошингиз етмаса, юрақда алангаланиб турган туғёндан сизга ҳеч бир фойда йўқ. Хуллас, бу иккиси бир-бирига эш — қалбидан туғён аримайдиган, ўзи эса меҳнатдан қочмайдиган ижодкоргина нимадир яратади. Акс ҳолда, ёзган машқлари хотира бўлиб қолаверади...

— Сиз ижодингизда табиатга алоҳида урғу берасиз...

— Табиат борасида каминага болаликданоқ омад кулиб боқкан десаям бўлади. Бизнинг қишлоғимиз тоғ ва текислик туташган ерда жойлашган. Бир томонда кафтдек текислик, иккинчи томонда эса қирадирлик, улар ортида чўнг тоғлар бўй ростлаган. Ана шу бепоён тоғу тошлар биз қишлоқ болаларига тегишли эди, яъни хиёлгина эсини таниган бола борки, дастлаб табиатга рўпара келарди. Она табиат бағри худди она кучоғидек кенг ва тафтли эди. Унинг бағрида қанча эркалансанг-да, унга малол келмасди. Аксинча, бағрини янада кенг очиб, бизни турли жониворларга, ўсимлик дунёсига дуч киларди.

Кизиқ жиҳати, она табиат бизни жониворларга нисбатан душманлик руҳида эмас, дўстлик йўриғида тарбияларди. Хўш, бу тарбия қандай кечарди? Буни ҳозиргача тўла англаб етмаган эсам-да, айrim жиҳатларини айнан кузатганман, шулардан бири — табиатда ҳеч бир жонивор одам боласичалик тажовузкор эмас; иккинчиси — барча жониворлар қаноатли, улар табиатдан керагини олади, ортиқ-часидан юз ўгиради; учинчиси — жониворларнинг ҳеч қайсиси биринчи бўлиб ҳужум қилмайди, кет, дея сас беради, белги беради ва агар нодонлик қилиб, буни вақтида англай билмассанг, сўнг таъзирингни ейсан; тўртингчиси — табиатда жониворлар бир-бирига кушанда бўлиб кўрингани билан улар бир-бirisiz яшай олмайди, яъни улар ҳаёт деб аталмиш узун занжирнинг маълум бир халқаларини ташкил этади. Дарвоқе, инсон ҳам ўша занжирнинг зарур бир халқаси, лекин биз буни доим ҳам англаб етавермаймиз. Табиат қонунларини бузган одамзод охир-оқибат фақат ўзига зиён келтиради, холос. Худди шу каби қарашлар асарларимда етакчилик қиласди.

— Ҳар бир ижодкорнинг асар яратиш жараёни ўзгача тарзда кечади? Сиз қандай ижод қиласиз? Асарларингиз учун мавзуни қаердан оласиз?

— Ҳар бир асар ўз ёзилиш тарихига эга бўлиб, буни бир-икки сұхбатда тўла изоҳлаб бўлмайди. Агар ижодни илоҳий жараён деб ҳисоблайдиган бўлсак, гоҳ илҳом жўшиб келади-да, тинмай ёзишга ундейди, гоҳ эса бу жараён сокин кечади. Айrim асар сюжети йиллар давомида хаёлингда айланаверади, негадир уни ёзишга ошиқмайсан, баъзи асарлар эса тиқилинч қилиб туриб олади, тезроқ ёз, деб. Мавзу масаласига келсак, унинг ўзи келади. Сизга уни чукур ўрганиш ва қаламга олиш қолади. Ана шу қаламга олиш жараёнида ёзувчи ўзга оламда, яъни асар руҳи билан яшай бошлайди. Ҳар бир бадий асар ўзича туғилади, ўзича ёзилади...

— Асарларингиз композицион жиҳатдан мукаммал, сюжети қизиқарли, кутилмаган ечим ва хуолосаларга бой. Сюжет ва композиция ўйғунлигига қандай эришасиз?

— Сюжет ижодкорнинг тафаккур маҳсулни бўлиши ҳам, ҳаётдан олиниши ҳам мумкин. Ҳаётда кўплаб воқеаларни эшитасиз ёки бевосита дуч келасиз. Ва шулардан қайси биридир сизга таъсир қилиши ва асарларингиз учун мавзу бўлиши мумкин. Бироқ муайян воқеада оддий инсон бошқа нарсани, ижодкор эса бутунлай ўзга нарсани кўради. Сюжет ва композиция ўйғунлигига келсак, бу энди ёзувчининг билим ва иқтидорига боғлиқ.


— Қайси асарларингиз сизни қаттиқ изтиробга солган ёки ўйлантирган ҳаётий воқеа асосида яратилган?

— Биласизми, асарларимдаги жуда кўп воқеаларнинг айнан ўзини ҳаётда кўрганман. Шунинг учун ҳам адабиёт ва ҳаётни айро тасаввур этиб бўлмайди. Улар, менимча, яхлит бир нарса. Фақат ижод шундай тушунчаки, уни тасвирлаб бериш, муайян қолипга ёхуд шаклга солиб ифодалаш жуда қийин. «Қизча ва қарғалар» номли ҳикоям, ҳақиқатан ҳам, ҳаётда ўзим гувоҳ бўлган воқеа туфайли юзага келган. Улуғ ёзувчи Жек Лондоннинг: «Мен ёзаман, одамлар эса нима деса деяверсин», деган гапи менга жуда ёқади. Ижодкор қалби буюрганини ёзиши керак.

— Яхши асар яратиш ёзувчидан тинимсиз меҳнат, изланиши талаб этади. Битта асарни яратиш учун қанча вақт сарфлайсиз?

— Баъзи асарларим қисқа фурсатда ёзилади, баъзилари эса узоқ вақт давомида меҳнат талаб қиласди. Масалан, ўтган йили ёзилган «Бўталоқ» деган ҳикоям ойлар давомида яратилди. Лекин бу жараён мен учун фоятда тотли бўлди: ҳикояни ҳузур қилиб, ҳар бир сўзни фалвирдан ўтказиб-ўтказиб, ижод заҳматидан тотиниб-тотиниб ёздим. «Четдаги одам» номли ҳикоям эса айнан ҳаётда бўлган воқеа асосида юзага келган. Нима ҳам дердик, ёзувчининг қисмати шу: асар руҳида аввал ўзи яшаб кўради, сўнг бошқаларни яшашга унрайди.

Тошкент давлат педагогика университети магистранти Ҳафиза ИСЛОМОВА сұхбатлашди



Танбур ноласида не г'ат yashirin?

Танбур чолгуси миллий мусиқамизнинг ўзига хослиги, оҳанглар турфа ранглигидаги муҳим ўрин тутади. Ушбу соз ижрочилигининг улкан миллий мактаби мавжуд. Танбур ижро услуб-усуллари минтақавий ўзига хослик жиҳатидан, ижрочи усталар мактаби нуқтаи назаридан фарқланади.

Бухорода танбур чолгуси созандан томонидан тик ҳолатда ушланади. Ушбу ҳолатда дастадаги парда босилганда бармоқдаги куч кўпроқ ўша пардани садолантиришга кетади. Бундай ёндашув танбур ижрочилигига хос бўлган титратма, яъни «тўлқинлатиш» (вибратор)ни тўхтовсиз ҳосил қилишда қўлни чарчатмайди.

Бухоро танбур ижрочилигига «якка зарб», «кўш зарб», «зарби паррон» (учма зарб), «пирранг» ва «билак зарб» кўплаб ишлатилади. Мазкур зарбларни бирин-кетин ҳосил қилишда, ўнг кўлдаги танбур косасини ушлаб турган бармоқлар (ўрта, номсиз, жимжилок) олиниб, бош ва ноҳун тақилган кўрсаткич бармоқ бирга ёки кетма-кет ҳаракатланиб, ўзига хос садоланиш пайдо қиласди.

Бухоро танбур ижрочилигига ноҳун асосан юқоридан пастга қаратса урилади ва чолгудатаралган товуш ўзига хос садоланади. Воҳанинг танбур ижрочилигига бошқа зарблардан кўра кўпроқ «якка зарб» ишлатилади. Воҳага хос анъанавий ижрочилиқда ярим ёки бир тонгача бўлган «кашиш» (бунда бармоқлар танбур дастасида пардага босилади ва иккинчи бармоқ билан тик ҳолда ярим тонгача эзилади) деярли сезилмайди.

Самарқанд, Хоразм воҳасига хос танбур ижрочилиги фарқланмайди, десак ўринли бўлади. Тошкент-Фарғона ижроилари танбур дастасини ўзларига қаратиб ушлашади. Чолгунинг бундай ушланишига сабаб, миллий мусиқа ижрочилигига хос безак-кашишларнинг тўлақонли чиқишини таъминлашдир. Ижро безакларидан ҳисобланган «ноҳун» харракка яқинроқ тарзда симга чертилади. Яна шуни таъкидлаш лозимки, Тошкент-Фарғона ҳофизларининг овоздлари орқали ифода этиладиган турли безак («нолиш», «молиш», «кашиш» ва х. к.) лар ҳам танбур ижросида ўз аксини топган.

Тошкент-Фарғона воҳаларида танбур чолгуси ижрочилиги ривожланишига салмоқли ҳисса қўшган



устоз созандалар Ризқи Ражабий, Уста Рўзматхон Исабоев, Мўйдин (Муҳиддин) ҳожи, Шодмон ҳожи, Асадқори Лутфуллаев, Отавали Нуриддинов, Мақсудхўжа Юсупов, Жўрабек Майдалиев каби санъаткорларни фаҳр билан тилга оламиз. Уларнинг ҳар бири анъанавий танбур ижрочилигини ривожлантирибгина қолмай, балки ўзига хос услуги, яъни мактабини яратдилар.

Мана шу мактабларнинг энг мукаммал ва чиройли инъикоси ўлароқ, забардаст созандан Турғун Алиматов услуги ва мактаби пайдо бўлганини алоҳида эътироф этиш жоиз. Турғун Алиматов ўзбек танбур ижрочилик анъанасида янги бир услугуб яратишга муваффақ бўлган билимдон санъаткордир. Аҳамиятли томони шундаки, бу услугуда ноҳун юқоридан пастга эмас, аксинча, пастдан юқорига йўналтирилади. Бу ижро услуги кейинги пайтда танбур ижроилари томонидан кенг қўлланиб келинмоқда.

Турғун Алиматов ижро услугида танбурнинг барча садолантириш усуллари — ижрога хос нола, кашиш, пирранг, гили-гили каби сайдал берувчи безаклар ўз аксини топган. Айниқса, пиррангнинг жозибадор талқини ва кетма-кетлиқда узлуксиз давом этиши Турғун Алиматов талқинида ўзгачадир. Шу боис бўлса керак, ёшлар танбур ижрочилигини ўзлаштиришда Турғун Алиматов ижро услугига мурожаат этмоқдалар.

**Абдуфаттох АБДУҒАФФОРОВ,
Ўзбекистон давлат консерваторияси
ўкув бўлими бошлиғи**



YOG'OCH O'YMAKORLIGIDA ХАТТОТЛИК SAN'ATI

Ёғочга бадиий ишлов берувчи усталар санъати кенг кўламда — меъморий қисмлардан то майда буюмлар: қаламдон, лавҳ тайёрлашгача бўлган ишларда ўз аксини топган. Безак гўзаллиги, қўлланиладиган хом ашёнинг табиий кўркам манзарасини очиб берувчи силлиқ, сайқалли буюмлар билан бир қаторда ҳукмдорларнинг ҳашамдор тахтлари, зодагонларнинг уй жиҳозлари, тахтиравонлар ҳам тайёрланган.

Текис-рельефли ва дандана ўймакорлиги, геометрик нақшлар ўйғуналиги, туташ композициялар яратишнинг ўзига хос ҳисоб усусларини сақлаб қолди. Умумий услубий янгилик ёғоч ўймакорлиги санъатида ҳам ўз ифодасини топди.

XIX аср охирида ёғочга бадиий ишлов бериш ривожланди. Рўзгор буюмлари, уй жиҳозлари, мусиқа асбобларни безашда усталар ўйма, бўяма ва қадама усусларидан унумли фойдаланишган.

XIX аср охири, XX аср бошларида амалий безак санъати тараққиёти жуда мураккаб, қарама-қаршиликларда кечди. Унда янги услубий белгилар, янги образ ечимлари кузатилди. Бироқ рўзгор буюмларида безакларнинг соддалашуви кузатилди. Ушбу санъатга хаттотлик унсурларини киритилиши уни яна янги босқичга кўтарди. Бунда буюмлар эътиқод билан боғлиқ мавқега эга бўлди.

Бугунги кунда ҳам бу санъат ривожланиб, мохир усталар қўлида ўз бардавомлигини сақлаб қолмоқда.

**Акмал МУҲИДДИНОВ,
Ўзбекистон Бадиий академияси аъзоси,
уста-хунарманд**





Sen borsan

1

Биламан, сен борсан,
Хар бир хазоннинг
Майин шивирида, ғамгин нозида.
Сени чақираман манзисиз шамол
Ва озод ёмғирнинг хуш овозида.
Баҳорнинг сарғайган ёди ичидан
Ниманидир излаб чарчамас қуёш.
Мен эса бир тола нур чақмоғида
Нодон юрагимни фош қиласман, фош.

Сен борсан,
Қуриган нозбўй шохчасин
Хидлаётган туннинг димоғида жим.
Тупроқ нафасида, осмон оҳида
Жонимни пайпаслаб қўяётган ким?
Чертаман умиднинг даричасини
Кўнглимнинг хиноли бармоғи билан
Дунё суратини безагим келар.
Дилни ёшартирган ишқ дого билан.
Сен борсан, боғлардай хаёл сурасан,
Мушкингдан энтикиб кетади ҳаво.
Кўзимни негадир ачиштиради
Кузнинг томогига тиқилган видо.
Сен борсан...

2

Сувлар маъюс тортди,
Сўлган ялпизнинг
Хотирасин олиб кетди олисга.
Сувлардан ажралиб қолган соғинчни
Юпатиб тўлдирдим ям-яшил ҳисга.
Аммо вужудимнинг томирларида
Эмаклаб чарчади бетаскин ҳаёт
Овоз бер, қайдасан, қўлларингни чўз,
Ўзимни қайтадан айлайнин бунёд.
Бемажол қоқсуяк бармоқларимда
Адашиб кетади кунлар саноги.
Ўчиришга шайдир қайсар шамоллар
Қорачифимдаги илинж чирогин...
Сен борсан, дараҳтлар орзусидай пок,
Хар бир хужайрамда жимирилар само.
Сен борсан,
Дарёни ҳўплаган булутлар билан
Ёдимга шудрингдай тушасан гўё.

Ёмғир товушида сенинг қадаминг
Юрагим зарбига кетар қовушиб.
Ўзимни ўзимга таништириб қўй,
Хазонлар ичиди кетмай адашиб...
Сен борсан...

3

Кўксимни тонгларга тўлдирган эдинг,
Кечир, уни тунга сотганим учун
Бугун исён қиласар,
 Favғо кўтапарар,
 Тонгни топиб бер деб дилимдаги хун.
 Кузакнинг сарғайган китобин ўқиб
 Гоҳо хушёр тортдим, гоҳ ўздан тондим.
 Дарёларнинг тиниқ кулгуси билан
 Умримни мен сенга қаттиқ ишондим.
 Сен борсан,
 Жонимга нур таралади,
 Юрагим қиқирлар қизалоқ мисол.
 Дараҳт учидаги япроқдек дейман:
 Тўкилиш қиссасин айтиб бер, шамол.
 Офтоб жилмаяди. Хўрсинади куз
 Фарид мусичанинг таронасидай.
 Яна дейман, дунё сени маст қиласар
 Қалбимда чайқалган миллион ииллик май.
 Сен борсан, ишқимнинг кўзи мунаvvар,
 Осмон Мажнун бўлар, Лайли бўлар ер.
 Сен борсан, муборак қўлларинг билан
 Кўксимга сен яна тонгни экиб бер.

4

Осмон гумбазида nedir чараклар.
Гарчи силлам йўқдир, нигоҳим равшан.
Сарғайган фаслнинг қоқ ўртасида
Кўнглимнинг ичиди барқ урап гулшан.
Сен борсан,
Рухимда уйғонар жунун,
Иифиштирдим синган бўлакларимни.
Куламан, боғларда ўйнаса шамол
Кийганча ёшлигим кўйлакларини.
Мен боққан кўзгуда яшилдир олам
Ва тундан ажратиб олдим ўзимни.
Болдан ҳам тотлироқ ширин дард мавжи
Ишқ билан сугорди яна кўзимни.

Сен борсан,
Кўрқмасман қайғудан, куздан
Тарқ этди дилимни хазонваш титроқ.
Тушкун Ҳалимани енгдим сен билан
Мен ҳозир ошиққа ўхшайман кўпроқ.
Сен борсан, ишқ ҳақи ибодат учун
Хазонлар шошилиб солар жойнамоз.
Учиб кетаётган қушлар кўксидан
Кўксимга қуилар сен берган овоз.
Сен борсан...

Тириклик таронаси

Ёмғир куйлар ёлғизликнинг таронасини,
Куз қунишар, ела бошлар кўкси нам шамол.
Тумшуғида бир дона хас, эзгин мусича
Деразамнинг олдида жим суради хаёл.
Хўл қаноти парвоз ишқин соғинган балки
Балки уни ёмғир ҳиди айлагандир масти.
Менга ишонч гултожидай кўринди бирдан
Мусичанинг тумшуғида титраб турган хас.
...Ногоҳ сездим мен ҳам кузга айланганимни
Хазон бўлиб кулганида заҳарханда ғам
Ишончимни йўқотгандим ва эдим ожиз
Қанотлари сувга бўккан мусичадан ҳам.
Ва ёдимнинг боғларида куйган куй янглиғ
Ишончсиз ва бемор ишқни яна тингладим.
Мени мазах қилиб турган дунё олдида
Ёмғирларни ёмон кўриб, севиб йигладим...
Бўшлиқ кўрдим фаслларнинг айланишида
Энг сўнгги ишончдан жудо бўлган чоғ.
Йиқилдим.

Шифокор бош чайқаб деди:
Юрагингда чуқур доғ бор, жуда ёмон доғ...
Ха, биламан дедим, бир номарднинг оёқ изи бу...
Ва бу ўша ишончимни ўлдирган куннинг
Кўлларидан караҳт бўлиб ичганим жудо...
Мен ишончни соғинганман худди баҳорга
Ичиккан қалдирғоч кўзлари каби
Мен биламан ёмғирларнинг остида маҳзун
Ниманидир кўмсаяпти кузакнинг қалби...
Мен ўша қалб билан кўрдим балки оламни
Гарчи қисмат неларгадир кўрмади лойиқ
Дилимдаги доғ рангida безаб умримни
Яшаяпман, сездингизми сиз ҳам, халойиқ...
Йўқолгандим ишончсиз ва бенаво тунда
Охир топди Ҳақдан келган бир нафас мени.
Кулаб кетган жарликлардан судраб чиқарди,
Мусичанинг тумшуғида турган хас мени.
Ва руҳимнинг чексиз кузги далаларига
Шодлик, ишонч уругини экдим бирма-бир.
Юрагимда ёниб турган ўша доғ ҳақи
Афсонага айлантирай умримни ахир.
Ёмғир куйлар тирикликнинг таронасини
Куз яйрайди, чайқалади дараҳтлар сармаст.
Мени қарздор қилиб қўйдинг ҳаёт олдида —
Мусичанинг тумшуғида титраб турган хас.



Меҳнат инсонни бир карра улуғлаган бўлса,
санъатнинг яратилиши инсонни икки бор улуғлайди. Демоқчимизки, инсон санъатдан фақат лаззат-
ланибгина қолмай, ундаги эзгуликни, олижанобликни ўрганади ва шу йўлда ўз-ўзини тарбиялади.

Ҳомийлик фаолияти ўз моҳиятига кўра миллий ва
умуминсоний ҳодисадир. У энг аввало, миллий
тотувлик, мамлакат фуқаролари ўртасида ўзаро ахил-
ликни ривожлантириш, ёш авлод маънавиятини
юксалтириш, юқсан бадиий дид ҳамда ватанпарвар-
лик, инсонийлик туйғуларини тараққий эттиришга
хизмат қиласди. Хусусан, театр санъатига беғараз
ёрдам кўрсатишда миллатидан қатъи назар, фидо-
йилар кўплиги беҳад қувонтиради.

Айтиш керакки, давлатимиз театрларни ўзининг
кучли ҳимояси остига олиб, иқтисодий таъминлани-
ши хусусида мунтазам қайғуриши кундек равшан.
Санъат соҳаси учун бу муқаррар ҳодисадир. Театр
санъатига ҳомийлик фаолияти масаласига келсак,
амалга оширилаётган хайрия иходий жамоа учун
қўшимча рағбат, касб доирасидаги кўтаринки
кайфият омили бўлади.

Маълумки, жамиятимизда бозор муносабатлари
чуқурлаша боргани сайин барча санъат турлари, жум-
ладан, театр санъатига ҳам ҳомийлик кўрсатиш
ҳолатлари тобора кучая боради. Бу ҳолатда дунё
театр санъатида кечеётган ҳомийликнинг илфор
тажрибаларини ўрганиш асқотади. Бироқ бу каби
тажрибани саҳна санъатимизга дастуриламал қилиб
олиш кўзланган натижани бермаслиги мумкин. Бироқ
ушбу хайрли тажрибанинг Ўзбекистонимизда ҳаёт-
га татбиқ қилинишини назардан қочирмаслигимиз
керак. Айни шу борада театр санъатига оид ҳомий-
лик фаолиятининг инфраструктурасини яратишга
қаратилган маҳсус бўлимни «Ўзбектеатр» иходий-
ишлаб чиқариш бирлашмаси қошида ташкил этиш-
нинг аллақачон вақти келганига шубҳа этмаса ҳам
бўлади, деган мулоҳазадамиз.

Яна бир муҳим масала, истиқболда театр
санъатига янгича иқтисодий таффакурга эга, бозор
иқтисоди қонунларини пухта биладиган муносаби
кадрлар тайёрланиши кун талабидир. Шу жиҳатдан,
Ўзбекистон давлат санъат ва маданият институти
«Маданият ва санъат муассасаларини ташкил этиш
ҳамда бошқариш» ва «Маданият ва санъат соҳаси
менежменти» ихтисосларини ўқув режаларига
«Ҳомийлик фаолияти»га оид маҳсус фан киритиш энг
маъқул, самарали, ўзини оқлайдиган йўлдир. Зоро,
эртанинг эгалари бўлмиш ёшлар эртанги кунга мос
дунёқараш, тафаккур тарзи ҳамда билимларга эга
бўлмоғи лозим.

**Аҳмаджон РЎЗМАТОВ,
Педагогика фанлари номзоди, доцент**

Санъат — инсон қалбига, унинг қарашларига, маданиятига, ички оламига таъсир қилишда самарали восита. Унинг сўзсиз тури — рақс ҳам жозибаси билан эътиборли. Рақсда ҳаракат орқали моҳият намоён бўлади.

Raqslar og'ushida

Ўзбек рақс мактабининг узоқ ўтмиши, ўсиш йўллари бор. Устоз раққосларнинг изланишлари ва меҳнатлари самараси ўлароқ, бугун ўзбек рақс санъати гўзал анъаналари ва шаклига эга. Ўз ишининг устаси бўлган рақс санъати намояндадаридан бири Ўзбекистон Республикаси санъат арбоби, режиссёр-балетмейстер, устоз Шокир Аҳмедовдир.

Шокир Аҳмедов болалигидан санъатга, санъаткорларга ҳавас туйғуси билан ўсади. Шу ҳавас уни консерватория қошида жойлашган хореография билим юртига етаклайди. Уйи билим юртининг ораси узоқлигини, қолаверса, онасининг бир ўзи фарзандларини қийналиб бокаётганини ўйлаган Шокир Бешёғочдаги 20-Мехрибонлик уйида яшай бошлайди. У ерда хореографиядан ташқари мусиқа ва рассомлик билим юрти талабалари ҳам борлиги боис, эндиғина ўн ёшга тўлган болани қизиқарли ҳаёт бутунлай сеҳрлаб кўйди.

1962 йил ўқишини тамомлаб, Тошкентдаги филармония қошида очилган «Ўзбек ашула ва рақс» ансамблида фаолият бошлаб, раҳбар Қамтар Отабоевдан касб сирларини ўрганади. Филармония санъаткорлари тез-тез хизмат сафарларига чиқар эди.

1968 йил ҳарбий хизматга чақирилгач, Шокир Аҳмедов ҳарбий қисмда ҳам рақс ансамбли тузади. Балетмейстер сифатида аскарлар иштирокида кўпгина жанговор рақслар саҳналаштиради. Айниқса, «Аскар» рақси кўпчиликка маъқул бўлади.

1972 йил ўқишини тамомлайди ва «Шодлик» ансамбли бош балет-

мейстери сифатида иш бошлайди. Бу давр ҳақида Шокир аканинг ўзи шундай сўзлаб берганди:

— Рақслар оғувига шўнғиб кетдим. Мендай санъат шайдосига бу олам-олам завқ бағишилар эди. Астасекин янгилик яратиш фикри мени баттамон ўзига жалб этди. Кишини ўзига

тортадиган миллий йигитлар рақси ўшанда ҳали у қадар кенг қулоч ёзмаган эди. Фаргона-Тошкент рақс мактабига таянган ҳолда иш олиб бориб, йигитлар рақсини саҳналаштиришга киришдим. Кўп ўтмай доира ва ногора жўрлигидаги «Учар йигитлар» рақси вужудга келди.

Мусиқаси М.Мирзаев томонидан яратилган, солисти Н.Шерматов бўлган ушбу рақс ўзбек йигитларининг эпчиллиги-ю чақонлигини яққол очиб беради. Рақсда ташқи кўриниш ҳам, кийимлар ҳам, рухият ҳам уйғунлашади ва олқиши олади.

Шу тариқа Шокир Аҳмедов ўзбек рақс санъати тариҳида айнан ўзбек йигитлари рақслари ривожига катта ҳисса кўшган фидойи балетмейстер сифатида ёрқин из қолдирди. Ўша пайтларда балетмейстернинг ижодини кузатиб юрган таникли шоир Туроб Тўла уни Муқимий номидаги мусиқали драма театрига бошлаб келади. Шундай қилиб, Шокир Аҳмедов 1974 йилдан шу театрда бош балетмейстер сифатида иш бошлайди.

Шу кунга қадар Муқимий номидаги Ўзбек давлат мусиқали драма театрининг бош балетмейстери сифатида самарали фаолият кўрсатиб келаётган Шокир Аҳмедов яратган юзлаб рақслар ҳар бир мусиқали драма спектаклининг ёрқин ва мазмундор чиқишида катта ўрин тутади. Балетмейстер саҳналаштирган рақслар, аввало, асарнинг foявий-бадиий мазмунини очишига хизмат қилган. Бу, айниқса, «Жоним фидо», «Лайли ва Мажнун», «Фотима ва Зухра», «Кўнглумининг кўчаси», «Тобутдан товуш» каби спектаклларда яққол намоён бўлган.

Мустақиллик тантаналари, Наврӯз ва бошқа байрамларда Шокир Аҳмедов яратган кўплаб рангбараңг театрлашган томошалар унинг ижодий фаолиятининг янги қиррасини намоён этди. «Авесто», «Сабъаи сайёр», «Буюк ипак йўли», «Алишер Навоий» каби театрлаштирилган томошалар тарихийлиги, фоя ва сюжет тараннуми рақс ва пластик ҳаракатлар асосига қурилганлиги билан ажralиб туради.

Ўзбекистонда хизмат кўрсатган артист Шокир Аҳмедовнинг самарали фаолияти муносиб эътироф этилиб, 2001 йилда «Ўзбекистон Республикаси санъат арбоби» деган юксак унвонга сазовор бўлди.

Айни кунларда муборак 72 ёшни қаршилаётган устоз Шокир Аҳмедов фарзандлар, шогирдлар, мухлислар ардоғида. Тиниб-тинчимас, доимо изланувчан бу санъаткорнинг сермаҳсул ижоди санъат ахлига доим дастуриламал, чинакам рақс мактаби бўлиши шубҳасиз.

**Анвар КУРБОНОВ,
Ўзбекистон давлат санъат ва маданият
институти катта ўқитувчisi**

ESTRADA SAN'ATIDA ZAMONAVIYLIK VA MILLIYLIK MASALASI

Замонавий эстрада томошалари, хоҳ у эстрада хондадарининг, хоҳ ҳажв усталарининг концертлари бўлсин, албатта, бир-бирини тақрорламайдиган ва турли номерларга эгалиги билан ажralиб туради.

Сўнгги йилларда юртимизда маълум бир саналарга бағишланган эстрада томошалари, миллий эстрадамизда фаолият кўрсатаётган кўплаб хондадарининг яккахон концертлари ташкил қилинмоқда. Бу томошаларнинг саҳна декорациялари, саҳнани ёритиш, овоз кучайтириш техникаси, томоша реквизитлари каби техник мосламалари барча замонавий талабларга жавоб беради. Бизнингча, замонавий эстрада томошасининг яна бир талаби ҳам шу. Яъни саҳнани замон талабига мос безаш бугунги эстрада томошаларининг сифатини яна бир погонага кўтарган бўлса, ажабмас. Чунки бундай замонавий саҳнани безаш техникаси концертларнинг томошавийлигини ошириш билан бир қаторда, концерт фоясини, мавзусини томошабинларга аниқроқ етказиш имкониятларини беради. Бугунги кунда юртимиздаги концерт саройларининг деярли барчаси ана шундай замонавий техник усуқналар билан таъминланган, албатта.

Хар қандай замонавий томоша юқорида таъкидланган замонавий техника билан жиҳозланиши масаланинг бир томони бўлса, унинг иккинчи томони, фоя уйғулиги, томошанинг композицион шакли, драматургияси ва режиссурасидир.

Шундай экан, замонавий томошани сценарийсиз ва профессионал режиссёр иштирокисиз ташкил этиб бўлмайди. Драматургия томошанинг асосини ташкил этса, режиссура уни қандай ташкил этиш зарур, деган саволга жавоб беради.

Замонавий эстрада томошаси режиссуранинг барча жиҳатларини ўзида мужассам этиши ва қолаверса, шакли жиҳатидан бадиий яхлит бўлиши талаб этилади. Шакл ва мазмун бирлиги ҳар қандай замонавий томошанинг асосини ташкил қилиши зарур. Томошанинг фояси давр муаммолари ва мамлакатда кечаетган ижтимоий воқеликни бадиий образли ечимлар орқали акс эттириши ҳам мумкин. Бу масалада режиссёрнинг профессионал қарашлари, дунёвий тушунчаси, ижтимоий ҳақиқатни кўра олиш қобилияти, миллий анъаналарга бўлган мунособати мухим ўрин эгаллайди.

Шундай экан, эстрада томошасида миллий ва замонавий уйғуликини сақлаш масаласида режиссуранинг, яъни томоша режиссёрининг ўрни бекиёсдир. Режиссёр томошани саҳналаштириш давомида ижодий гурухни ташкил этади. Бу гурухда сценаристлар, бастакорлар, балетмейстерлар, рассомлар, режиссёр асистентлари, актёrlар, хондадалар, рақкослар, ижрочилар бўлади. Томошанинг замонавий ва миллий уйғулигини ташкил қилиш талаби гурухнинг барча иштирокчилари зиммасига бир хилда тушади. Фикримизни қўйидагича изоҳлаш зарур. Томошани ташкил этиш жараёнига ҳисса қўшаётган ҳар бир ижодкор режиссёр фоясини тўғри тушуниб, ушбу талабни ўз ижодида давом эттириши, бутун



жамоа бир бутунлиқда бир фоя учун ишлаши лозим бўлади.

Эстрада томошаси ўз ичига йўналиши ва ички структураси жиҳатидан хилма-хил шаклдаги номерларни йиғиб олади. Режиссёрнинг асосий мақсади номерларни узвий боғлаш ва юқорида айтилган фояга бирлаштириш бўлади. Балки томошага тайёр ҳолда олиб келинган номерлар ичida режиссёр фояларини акс эттирувчи мазмунга эга бўлган кўринишлар кузатилмаслиги мумкин. Бундай ҳолларда режиссёрдан катта профессионал маҳорат талаб этиладики, у ана шундай номерлардан воз кечмасдан, уларни ҳархил образли ечимлар орқали ёритиб, натижага эришиши мумкин.

Хуллас, томошани қай тарзда талқин қилиш, унинг фояси ва мазмун-моҳиятида нимани акс эттириш режиссёрнинг маҳорати ва усталигига боғлиқ. Фақатгина мустаҳкам сценарий ва профессионал режиссура замонавий эстрада томошасининг асосий омилларидан бири ҳисобланади.

Тарихий удумлар ва миллий қадриятлар билан тўлиб-тошган ва асосида маълум бир ҳалқ урф-одатларини намоён этган томоша миллий бўлиб қолавермайди. Миллатимиз қизиқишлиарини акс эттирувчи, ёшлар дунёқарашини ўстирувчи, уларни эзгуликка бошловчи фоялар сингдирилган томошалар миллий ва замонавийдир. Миллат маънавиятини тарғиб этиш, томошадан ўрин олган ижодкорлар ва томошабинларни бир уйғуликтаги фояга бирлаштириш режиссёрнинг олий мақсади бўлиши зарур.

Ижрочиларимизда миллий фурур, Ватанга муҳаббат, миллий урф-одат ва анъаналаримизга, тарихимизга ҳурмат, келажагимизга ишонч каби фазилатларни ўйғотиш зарур, деб ўйлаймиз. Замонавийлик деб, миллатга хос бўлмаган мусиқани, саҳна кўришиларини, диалектларни ишлатавериш ноўрин.

Шу ўринда ёшларнинг мана шу жиҳатларини тарбиялаш борасида санъат ва маданиятга ихтисослашган ўкув юртларга катта маъсулият юкланди. Таълим-тарбиянинг эскича услубларидан воз кечиш, вақт синовидан ўтган анъанавий усулларни давом эттириш, шу билан бирга замонавий ўкув ва тарбия жараёнларини жорий қилиш, бу борада олимлар, тажрибали мураббий ва устозлардан ўрганиш лозим бўлади. Шу билан бирга, ижрочилар устоз-шогирд анъаналарини давом эттириб бориши зарур. Мунтазам равища ёш ижодкорлар ва устоз-мураббийлар билан илмий ва амалий конференциялар, ижодий учрашув ва семинарлар ўтказиб туриш ҳам назаримизда ижобий натижалар беради.

**Фаррух ЭГАМБЕРДИЕВ,
Ўзбекистон давлат санъат ва маданият
институти ўқитувчisi**

Ҳаюл ва науот

Таникли рус адиби Константин Паустовский «Олтин атиргул» китобида бадиий тўқима билан ҳаёт ҳақиқатининг бир-бираига мувофиқ келиши ҳақида қизиқарли фикр-мулоҳазаларни ёзди. Масалан, болакайлар каттальардан «Бу нима? У нима? Нега бундай? Бу қандай бўлади? Нима учун?» — деб сўрайверадилар. Мабодо, шунақа болалардан бири «Хаёл нима?» деб сўраб қолса, энг аклли катталарап ҳам жавоб беришга қўйналади. Бунга адиб тахминан шундай жавоб беради: «Хаёл бу — инсоннинг узоқ вақт турли воқеа-ҳодисаларни кузатганда йигилган тажрибасидан, фикрлари ва туйғулари захирасидан фойдаланиб, ҳақиқий ҳаётдан қолишмайдиган хаёлий ҳаётни тўқиб чиқариш қобилияти».

Бола яна сўрайди:

— Ахир ҳақиқий ҳаёт бор бўлса, хаёлдаги ҳаётни тўқиб чиқаришнинг нима кераги бор?

— Ҳозирги одам уч аср аввалиги ҳаётни кўрмаган, Галилейнинг шогирди бўлмаган, Гоголь билан Рим кўчаларини сайр қилмаган. Хаёл эса шу воқеаларда қатнашувга имкон беради.

Шундан сўнг К. Паустовский олтинлар водийси афсонавий Элдорадони кашф этишини Испания қиролидан сўраб, денгиз сафарига отланган зобит ҳақида ҳикоя қиласди.

Албатта, Паустовскийнинг тасаввур ҳақидаги мулоҳазалари барча ижодкорларга тегишли. Масалан, Сервантес ҳам дон Кихот сиймосини тасвирилашда хаёл ва тасаввур қувватидан фойдаланган. Ўзбек адиби Абдуқаюм Йўлдошев «Пуанкаре» ҳикоясида ўзбек дон Кихотини кашф этади.

Ёзувчи истеъоддли олимнинг руҳий кечинмаларини, аччиқ изтиробларини жуда ҳаёттий, ҳаққоний тасвирилайди, руҳий таҳлил — психоанализдан моҳирона фойдаланади: «У (дўстим), бир лаҳзада мени, осмонда учиб юрган жўрасини пўрсиллаб ёрилиб ётган қаттиқ заминга шунақанги гурсиллатиб урдики, суюк-суюкларимга қадар майдаланиб, парчаланиб, миямнинг қатиги отилиб кетди. Бу зарбанинг асорати ҳали-ҳануз ҳаётимни заҳарлаб келади... Не макон, не замонда умргузаронлик қилаётганимни англаб-англамай, атрофга нолон бокаман... Миллион тонналик улкан тош устимдан, мен эса торгина ёриқка (ҳарсанг ёрилган жойига) тиқилиб қолган одамдай нафасим қайтади... гурсиллаб ураётган юрак кўкрак қафасимни ёриб чиқиб кетгудай катталашаверади, катталашаверади...»

«Пуанкаре» қаҳрамони ҳақиқий фожеий характер сифатида тасвириланади. Адабий-назарий қонуниятга кўра, оддий одамнинг бошига мусибат, фалокат ёғилса ва бу тасодифий бўлса, фожеий рух келиб чиқмайди. Истеъоддли инсон буюк мақсади йўлида тенгсиз кураш-

да енгилса ё ҳалок бўлса, бу умумий фожиага айланади. Шу ўринда бир мулоҳаза: Абдуқаюм Йўлдошев «Пуанкаре» ҳикоясида бош қаҳрамонга ҳам, унинг хотинига ҳам, хиёнаткор дўстига ҳам исм кўймайди, эҳтимол, шундай тоифалар ҳаётда бир-икки эмас, кўпроқ учрайди, деб атайлаб исм кўймагандир. Бизнингча, ёзувчи бу қаҳрамонларига исм берганида яхши эди, унинг қаҳрамонлари Гоголнинг Акакий Акакиевич, Достоевскийнинг князь Мишкин, Лермонтовнинг Максим Максимич ёки Печорин каби машҳур қаҳрамонлари қаторига киради.

Ёзувчи асарида Пуанкаре гипотезаси, фаразининг мураккаблигини бадиий деталь — тамсил ёрдамида тушунтиради: «Гипотезанинг моҳиятини тушуниш унчалик қийин эмас. Аммо, уни исботлаш, ечиш... Ахир тоғнинг тоғ эканлигини кўрасиз, унинг бағрида миллионлаб тонна руда борлигини билиб ҳам турасиз, аммо бу кўриш-билиш сизга шартта бориб, тоғ бағридан бир қоп олтин ёмбини кўтариб олиб чиқиб кетишга имкон бермайди-ку. Гипотеза мана шу жозибаси билан ҳам ўзига мафтун этарди».

Истеъоддли математиклар ҳам баъзи шоирлардай мажнун бўлиб қолишини «Пуанкаре»да кўриш мумкин: «Математиканинг ҳеч нарса билан тенглаштириб бўлмайдиган оҳанрабоси бор-да: бирпасда ўзига тортиб олади-кўяди. Айниқса, уч ўлчовли Эвклид фазосида эришилган ечимлардан сўнг ярим эвклидли фазо геометрияси очилмаган кўриқ бўлиб туради ўзиям. Аммо барибир Пуанкаре (гипотезаси) бошқача эди-да. Бу мавзу гўё биринчи мухабbat каби, қалбимни сира тарқ этмас, аксинча, тобора унинг қат-қатига чуқурроқ кириб бораётгандай эдим... Ҳеч чидай олмагач, уйқуни тенг ярмига қисқартирдимда, тежалган вақтимни гипотеза исботини топишга бағишладим».

Асарда вақтнинг шафқатсизлиги, тез ўтиши, орқага қайтариб бўлмаслиги ҳақида фалсафий ўйлар оламшумул гипотеза исботига жуда кўп вақт талаб қилиниши билан боғлиқ. Қисса қаҳрамони оила қурмасидан аввал вақтдан жуда унумли фойдаланаётган эди. Шунинг учун, ўзини баҳтиёр ҳис қиласди: «Ў, бу ҳаётимнинг энг ёрқин, энг мазмунли, энг шодон, ҳайратларга тўла кунлари эди. Ёткөннада яшардим. Ўлгудай чарчардим (жиддий илмий-назарий китобларни ўқиб, тадқиқотларда фойдаланиш осон иш эмас), гоҳида ҳатто чой дамлаб ичишга ҳам ҳолим етмасди, баъзан суткалаб туз тотмасдим... Бироқ, мен баҳтиёр эдим. Зоро, илмий ишим заррама-зарра олдинга силжиётгандай эди. Қўлларимдан мадор кетганида ерни тирноқларим билан кавлаб бўлса ҳам, эмаклаб, илгарига силжирдим». Ёш, истеъоддли олим оила қурганидан сўнг бу романтик хаёллар оила масъулияти, рўзгор ташвишлари билан алмашди.

Бадиий асарнинг қадрини оширадиган фазилатларидан бири реализм ҳаётйлик, ҳаққонийликдир. «Истиқол қуёши» газетасида ёзувчи, драматург, санъат арбоби Абдуқашхор Иброхимовнинг «Куш уясида кўрганин қилур (ёки билур)» сарлавҳали сухбатини ўқиб қолдим. Унда оила куришда қандай шартларга амал қилиш зарурлиги, оиласвий ҳаёт яхши бўлиши нималарга боғлиқ эканлиги ҳақида халқимизнинг минг йиллик тажрибаси ҳақида қимматли фикрлар бор: «Никоҳда ҳар икки томон тенг ва бир-бирига муносиб бўлиши шарт. Агар шундай қилинмаса, турмуш ширин бўлмайди, эрнинг хотиндан, хотиннинг эрдан кўнгли тўлмайди. Келин ва куёв насл-насада, ижтимоий мавқеда, билим-савияда, дид-фаросатда, иймон-эътиқодда, мулқдорликда бир-бирига яқин бўлишлари аълодир». Бу жуда муҳим масалалар ҳаётда доимо ўз таъсирини кўрсатиб туради. Донолар тажрибасида ҳам, шариатда ҳам куёв томон мулқорликда келин томондан сал бўлса-да юкори бўлгани яхши дейилади. Аксинча, куёв камбағалроқ оиласдан бўлса, келин томон уни мен-симиайди, етарли иззат-хурмат кўрсатмайди.

Абдуқаюм Йўлдошевнинг «Пуанкаре» ҳикоясида шу ҳолатни кўрамиз. Келин оиласда биринчи кундан бошлаб раҳбарликни ўз кўлига олади. Доимо ақл ўргатади. Куёв илмга, ўз соҳасида кашфиёт қилишга берилгани сабабли, оила, рўзгор ишларида раҳбарлик қилишга вақти ҳам йўқ. Шунга қарамай, у қўшимча ишлар олиб, оиласвий шароитини оз бўлса-да, яхшилашга эришади. Оқибатда илм-фан рўзгор ташвишига курбон бўлади...

Аммо қаҳрамон Пуанкаре гипотезаси ечимини топиш мақсадидан ҳеч қачон қайтмайди. Шу боис изланишини давом эттира оловчи истеъоддли шогирд топганида ҳаётга қайтадан келгандай севинади. Бироқ... истеъоддли шогирд буюк устозга номуносиб, жўнгина яшашни афзал кўрувчи ёшлардан бўлиб чиқади...

Баъзи ўринларда ёзувчи бадиий тўқимани меъеридан оширгани учун ҳаётйликдан узоқлашади. Чунки ҳаётда руҳий касалларни кўришга кунига икки марта эмас, етти кунда бир марта руҳсат берилади. Ва шифокорлар ўз беморларини бу қадар масхара қилмайдилар. Қисса охирида шифокор ва истеъоддли шогирд олимнинг қўллэзмасини ўйига бериб юбормай, макулатрага топшириши ҳам ўқувчини ишонтирумайди. Чунки ҳаётда шифокор ҳам, истеъоддли шогирдлар ҳам бу қадар мантиқсиз иш тутмайди. Ёзувчи бадиий асарда муболага қилишга ҳақи бор, аммо бу муболага ҳаёт ҳақиқатига зид келмаслиги керак.

**Шоймардон РУСТАМОВ,
ЎзМУ тадқиқотчиси**



XORIJIY TILLARNI O'RGANISHDA MUTOLAANING O'RNI

Бугунги кунда хорижий тилларни билмай туриб жаҳонга бўйлашиб бўлмайди. Чет тилларини пухта ўрганиш борасида соҳа мутахассислари турли фикрларни илгари сурадилар. Махсус техника воситаларининг қулайлигини инкор қилмаган ҳолда, бу борада чет тилида китоб ўқиш энг фойдали усул деб ҳисоблаймиз.

Ҳар бир ўқитувчи ўзи таълим бераётган ўқувчилар ўша фанни яхши ўзлаштиришини хоҳлайди, албатта. Чет тили ўқитувчилари жаҳон адабиёти намуналарини уйда ўқиш вазифасини бериш орқали ёшларга инглиз тилини чукур ўргата олиши мумкин. Бу жараёнда китобхон нафақат ўша тилнинг ўзига хос хусусиятларидан хабардор бўлади, балки барча турдаги адабиётларни ўқиш малакаси шаклланади, айни пайтда лексик луғат захираси бойийди, тилнинг янги грамматик таркиби билан танишади. Бу усулни қўлламоқчи бўлган чет тили ўқитувчиси кутилган самарани берадиган китоб танлаши зарур. Бунда ўқитувчилар маълум бир мезонларни: ўқувчиларнинг тил билиш даражаси, уларнинг ёши ва ўзлаштириш даражасини инобатга олиши керак.

Хорижий мамлакатларда чоп этиладиган даврий нашрларни ўқиш ҳам қўшимча дарс ҳисобланади. Газета ва журналларда ҳозирги вақтдаги маълум давлатга хос тил услублари, қисқартмалар, синонимлардан фойдаланилади. Шунингдек, ўқувчилар ҳар хил жанрдаги матнларни ўқиб, чет элдаги тенгдошларининг ҳаёт тарзи, маданияти ва урф-одатлари билан танишади. Бу эса ўз навбатида уларнинг чет тилларини ўрганишга бўлган хоҳишини кучайтиради.

Хулоса ўрнида шуни айтиш керакки, инглиз тилини ўргатиш жараёнда ўқувчиларнинг тил билиш даражасини инобатга олган ҳолда, қизиқарли усуллардан фойдаланиш уларнинг чет тилларини ўрганишга бўлган иштиёқини оширади.

**Н. САТТОРОВА,
Тошкент архитектура ва қурилиш
институти катта ўқитувчиси**

Nafis san'at ustasi



Энг улуг, энг азиз байрамимиз — Мустақиллигимизнинг 24 йиллиги ва «Кексаларни эъзозлаш йили»га багишилаб Хоразм вилоятида Ўзбекистон халқ рассоми Тўра Курёзов асарлари кўргазмаси бўлиб ўтди. Унда намойиш этилган портретлар, қадимий Хива манзаралари ва кенг кўламдаги мавзули картиналар санъат ихлосмандларига манзур бўлди.

Кўргазмадаги «Оғажий портрети», «Махмуд Замахшарий», «Бибихоним», «Абулғози Баҳодирхон», «Зебунисо» каби портретлар, «Жалолиддин», «Нажмиддин Кубро» сингари картиналар мусаввирнинг юртимиз тарихини, улуғ сиймаларга оид билимларни чукур эгаллаганини кўрсатиб туради.

Юксак фоявий, аниқ мазмунли, халқчил, бадиий маҳорат билан ҳақоний яратилган санъатгина томошабин идроки ҳамда ҳис-туйғуларига таъсир этади. Рассомнинг табиат ва тарихий обидалар манзаралари тасвир этилган асарларидаги ҳаёт ҳақиқати ҳам кишини қаттиқ ҳаяжонга солади. Кўз ўнгимизда гуллаб яшинаётган она Ватанимизнинг эпик манзараси гавдаланади. Суратларни қанча томоша қилманг, уни қайта-қайта кўргингиз келаверади. Чunksи улар она диёримиз тарихи, буюк аждодларимиз заковати ва жасорати, бугунги гўзал ҳаётимиз, Ватанимизнинг порлоқ истиқболи ҳақида ҳикоя қиласади.

Тўра Курёзов ўзининг бутун ижодий фаолияти давомида тасвирий санъатнинг турли жанрларида ижод қилиб келмоқда. Лекин у кўпроқ нафис тасвирий портрет устаси сифатида шуҳрат қозонди. Бу портретлар ўз композицияси ва тасвир жиҳатидан миллий тасвирий санъатда янги бир ҳодиса дейиш мумкин.

**Рустам ХУДОЙБЕРГАНОВ,
Ўзбекистон халқ рассоми**





Musavvir ijodida tabiat tasviri

Ўзбек рангтасвир санъатида пейзаж жанри алоҳида ўрин эгаллайди. Бетакрор табиатнинг турфа ранглардаги кўриниши рассом маҳорати эвазига гўзал манзарали асарга айланади. Рашид Темуров тугилиб ўсган юртнинг манзарасидан илҳомланиб ижодининг асосий қисмини пейзаж, меъморий пейзаж яратишга бағишилаган рассомдир.

Болалигидан расм чизишга бўлган қизиқиши уни рассом бўлишга ундади. Айнан шу ният билан у 1932 йилда Самарқанд бадиий билим юртига ўқишга киради. Билим юртида унга машҳур педагог-рассом Павел Беньков таҳсил беради. Даврининг илгор қарашлари, ўз услугуб ва фояларга эга бўлган Беньков ёш Рашидга рангтасвирнинг кўплаб сир-синоатларини ўргатади. Рассом ижодининг ilk кунлариданоқ «Менинг шаҳрим», «Самарқанд», «Шоҳи-Зинда», «Бибиҳоним» деб номланган кўплаб асарлар яратади.

Рассом Рашид Темуров ижодини кузатар экансиз, унинг поэтик рассом эканлигига амин бўласиз. Унинг Самарқанд меъморчилигига бағишиланган бир қатор асарларида шаҳар аҳолисининг турмуш тарзи акс этган.



Рашид Темуров ижодий фаолияти давомида Тошкент ва Самарқанд шаҳарларида кўплаб кўргазмаларда иштирок этган. Бугунги кунда унинг асарлари дунёдаги кўплаб машҳур музейларда сақланмоқда.

**Шаҳло БАРНОЕВА,
санъатшунос**



Рангтасвир — сукунат сақлаётган поэзия, поэзия эса, жаранглаётган рангтасвирдир.

Симонид КЕОССКИЙ





Көліктар біс күлісқауыс



ЯХШИЛАР ЁДИ

Ўзбекистонда хизмат күрсатған артист, машхур қызықчы Рустам Ҳамроқуловдан турли ҳангомалар, кулуга бой җажвиялар қолған. Яқында ёзувчи Рустамали Мамадалиев «Рустам қызиқдан янгиси бор» номлы китобни нашрга тайёрлади. Қуйида эътиборингизга ушбу китобга кирған ҳангомалардан ҳавола қилинмоқда.

МУШУГИНГНИЯМ ЧАҚИР

Бир киши чүнтагида ўргатылған сичқон олиб юаркан. Спиртли ичимликка үчроқ экан. Ҳар сафар ичганда бир томчи сичқонига ҳам ичкизиб қўяркан.

Кунлардан бир кун ресторанга кириб, юз грамм ичибди, бўлмабди. Яна юз-юз қилиб, 300-400 граммча ичиб қўйибди-ю, қайф етарли бўлмабди. Сичқонини ҳам унутмаган, унга ҳам 4-5 томчи ичкизган экан. Роса аччиғи чиқиби.

— Қани, яна олиб кел, — деса официант:

— Бўлди ака, энди ичманг, — дебди. Шунда у:

— Қани, ҳов «шеф»ингни чақир. Нима бу ароқми, сувми? — деб столга бир муштлаб официантга дўқ урибди.

— Ҳўп, ҳўп, ҳозир — деб официант кетаётса, сичқон ҳам чўнтақдан бош кўтариб чийиллабди:

— Мушуғингниям чақир!

ЭШАК ҮФИРЛАШ

Бир куни Афанди бир жойда тўйни ўтказиб, одамларни кулдириб, эшагида ўзининг қишлоғига қайтиб кетаётган экан. Йўлда ҳеч ким яшамайдиган ўрмонзорнинг ичидан ўтиши керак экан. У ерда қароқчилар ўтиришаркан. Ўша пайтда эшаги билан ўтган киши ўрмондан шипшийдам бўлиб, онасидан янги туғилгандек бўлиб чиқаркан.

Афанди ўша жойдан хиргойи қилиб ўта бошлабди:

Ёрим кетаман дейди-ей,
Кеткизгани қўймайман.
Йўлларига чим босиб-ей,
Ўткизгани қўймайман.
Йўл-ла-р-ига чи-им бо-осиб,
Ўт-ўт-каз-каз га-га-а...

Одам қўрқса овози ҳам баландроқ чиқаркан-да: Ёр-им кета-м-аан, ёри-имм...

Қараса олти нафар отлиқ қароқчилар қий-қийлашиб,чувиллашиб, отчоптириб келаётганмиш. Бирпасда унинг атрофини ўраб олишибди.

Уларнинг бошлиғи:

— Ҳой, туш пастга қаёққа кетаяпсан, нега бу ердан ўтятсан? Бу ердан бизнинг рухсатимизсиз мушук ҳам ўтолмайди, ҳамённи чўз, — дебди. Буни эшитган Афанди эшак устидаёт тамом бўпти. Нима қилишини билмай, секин эшагидан тушиб, унинг тагига кириб олибди.

— Ҳой, эшакни тагидан чиқ, жонми, ҳамён? — деса у:

— Менга айтяпсизларми? — дермиш.

— Ҳа, сенга айтяпмиз.

— Мен одам эмас, мана шу эшакни боласиман, — дермиш.

Бу гапни эшитиб қароқчилар бошлиғи куляман деб отидан ағдарилиб тушибди. Ерда ётиб ҳам қорнини ушлаб воҳа-воҳ-ҳа, деб кулаётганмиш.

— Эй, нима деяпсан, бу эшак эркак-ку! — дебди ўрнидан туриб.

— Мени онам отамга ташлаб кетган, бу отам, мен боласиман-да, — дермиш Афанди.

ДҮППИСИ ҚАНИ?

Бир бола чўмиламан деб каналга тушиб кетибди. Уни кўрган бир киши шартта ўзини сувга отиб, болани қутқариб олибди. Оёгини осмондан қилиб, сунъий нафас олдирибди. Кийимларини ечиб, офтобда қуритиб, кийдирибди.

— Ҳой, ҳой, яхшиям мен бор эканман. Мен бўлмасам сени ким қуритарди? — деса бола яп-яланғоч қалтираб:

— Раҳмат, тоға, сизни ҳам илоҳим Худойим қуритсин, — дебди.

— Оғзингда замбарагинг борми? Кимнинг ўғлисан, муттаҳам? — дейди болани қутқарган киши жаҳли чиқиб:

— Мен Мамарайим тажангнинг ўғлиман, — дебди бола.

Мамарайим тажанг икки маҳалла нарида тураркан. Унинг уйига болани обориб дарвозадан киритиб уйига қайтибди. Икки пиёла кўк чойни ичиб-ичмабди, дарвозаси рапада-ванг очилиб, Мамарайим тажанг ўғлини етаклаб кириб келибди.

— Менинг ўғлимни қутқариб қолган сенми? — дебди тажанг.

Бола уйига кирганда дадаси, онаси кўриб ким қутқарди, деб сўраб аниқлагач, хотини боринг рози қилиб қўйинг, дея жўнатган, чопон-мопон бериб юборган бўлса кийдириб кетса керак, деб ўйлабди ҳалиги киши.

— Э, ака, кераги йўқ, бир жойни одамимиз ахир! Ҳожати йўқ, қўйинг, уят бўлади, — деса Мамарайим тажанг:

— Нима уят бўлади, ниманинг ҳожати йўқ. Бунинг дўпписи қани?

ҲЎКИЗ ЭМАС, ДИПЛОМ БУ

Бир киши кўчада ҳўқизини етаклаб кетаётса, таниши учраб қолиб сўрабди:

— Ҳа, Мамарайим, ҳўқизни қаерга олиб кетаяпсиз?

— Ҳўқиз? Қани ҳўқиз?

— Ана, қўлингизда арқони, кўрмаяпсизми? — деса у:

— Шу ҳўқизми? Бу сира ҳам ҳўқиз эмас, диплом.

— И-е, ҳўқиз-ку! — дебди таниши.

— Бекор гап, бу диплом, ҳўқиз Тошкентда ўқияпти.

БАРИБИР ЧЕКДИМ-КУ!

Ёқилғи қуиши шоҳобчаси ёнига енгил автомашина келиб тўхтаб, ундан олифта йигит тушиб сотувчига дўқ урибди:

— Қани, бизни тойчоқча йигирмата бензин қўй.

— Ҳозир, ака, мана бу машиналарни жўнатаб юборай, — дебди сотувчи.

— Тезроқ бўл, вақтим йўқ. Ҳа, майли мен чекиб олай, — деган экан шоҳобча ходими:

— Ҳов ака, кўрмаяпсизми, бу ерда чекиш мумкин эмас. Ана ёзиб ҳам қўйганмиз, — дебди.

Олифта пинагини бузмай:

— Агар чексам нима бўлади? — деса ходим:

— Жарима тўлайсиз, — деган экан олифта баттар тутакибди.

— Агар чексаму жарима тўламасам, сен йигирма литр бензинни текинга қўйиб берасанми?

— Бўпти.

Улар келишишгач, олифта чўнтағидан носқовоғини чиқариб тили остига бир чеким нос ташлаб дебди:

— Кўрдингми, чекдим-ку, қуй, йигирматани...

ДЎСТИМ, СЕНГА АЙТАМАН...

Иложи борича сирингни бирорвга айтма. Чунки кимсага сир айтиш шамолга сир айтишдек гап: шамол билганни — дараҳт билади, дараҳт билганни — ҳамма билади.

* * *

Билиб қўй, тилни тийиш — энг қийин иш.

* * *

Ўзингни ўзинг бозорга солаверма — барибир нархинг кўтарилемайди.

* * *

Мияни нафақат чўққига чиқаётганда, балки ундан тушаётганда ҳам ишлатмоқ керак.

* * *

Билиб қўй: қўли эгриликдан қўли калталик яхшироқ.

* * *

Қадам ташлашдан олдин майли, етти эмас, етмиш марта ўйла, аммо биринчи қадамни босдингми, икканишини бас қил — кейингиларини шахдам давом эттири.

* * *

Жавобдан қутилишни истасанг, саволга тутилишдан сақлан.

**Муҳаммад ТОШБОЛТАЕВ,
профессор**

Куз — олтин фасл, олтингранд ҳајонлар, ёлизирлар шибари кўнглига ажаб түйзугулар солади. Зрталабки ишқ офтобга ишониб енгили кийнида кўлага ғиждан одам көнга бориб совқотиниши мушкни. Бу йилги куз мавсумида мода олаши мутахассислари бизга қандай кийни ва аксессуарларни тавсия этиши мөғли? Ташкент тўқимаганик ва енгилисаноат институти катта фокусчалиси Наргиза Миртолипова билан шу мавзуда сурхатлашибик.

Oltin fasning joyzibali liboslari



— Наргиза опа, куз мавсумида модельерларимиз аёлларимизга қандай лиbosлар кийишни тавсия қилишади?

— Иссик ёз фаслидан сўнг куз мавсумига мослашиб, енгил кўйлаклардан воз кечиб, кузга мос кийиниши бироз нокулайликлар туғдиради. Шундай экан, куз мавсумидаги об-ҳавони хисобга олган ҳолда, пахта толали матолардан тикилган енги узун ёки ярим узунликдаги кўйлаклар, блузкалар ҳамда уларнинг устидан жакет, жилет, трикотаж ёки енгил тўқилган кардиган кийишни тавсия қиласман.

— Бу йилги куз модаси, яъни услугуб, бичим, ранглар ҳақида гапириб берсангиз?

— Бу йилги куз модасида «А» шакли кўринишдаги кийимлар, бўрттириб кўрсатилган елкали лиbosлар урфга кирган. Учбурчак шаклли кийимлар аёлларни янада латофатли ва жозибали қилиб кўрсатади. Либоснинг елка қисми тор, этак қисми эса кенглиги бу шаклнинг асосий хусусияти хисобланади.

Либосларда ранглар уйғулигини тўғри танлаш кайфиятга ҳам таъсир қиласди. Бу йилги куз мавсумидаги либосларда қуйидаги ранглар урфга кирган:

Аметист орхидея ранги — бу ранг кварцнинг совуқ ёруғлиги ҳамда орхидея гулининг ажойиб иликлигини ўзида мужассам этган бўлиб, у бир вақтнинг ўзида нозиклик ва ўқтамликни акс эттиради.

Фируза ранги — сирлилик ва бекиёс теранлик ҳиссиётини яратади. Бу ранг ҳар томонлама яхши хисобланиб, у башанг кўйлакларга, ҳамда офис либосларига ҳам мос келади.

Олов ранг — бу ранг бўлмаса кузги ранглар мутаносиблигини тасаввур этиш қийин. Олов ранг туси кузда табиатнинг ҳар ерида учрайди. Саргайган япроқлар, фарқ пишган мевалар ва жозибали гуллар бу рангга мурожаат қилиш учун етарли асос бўлади. Бу йилги мавсумда ҳам ушбу ранг етакчилик қиласди.

Пушти ранг ёш танламаслиги билан аҳамиятли. Айниқса, бошқа ранглар билан уйғуналиши бу рангни янада очади.

Шалфей гули ранги куз табиатининг ҳақиқий сиймосидир. Бу ранг сокин ва хотиржам аёлларга мос келади.

Тўқ яшил ранг — ишбилармон аёлларга жуда мос келади. У бир вақтнинг ўзида жиддийликни ва осудаликни ифодалайди. Бундан ташқари, бу ранг сокин спектр рангларига мос тушади, ҳамда қора рангга муқобил бўла олади.

Тўқ қизил ранг — кузнинг асосий ранги сифатида урфдадир. У ҳосилдорлик ва олижанобликни ўзида мужассам этади.

Силлиқлаштирилган эман ранги ўзида иликликни ва ишончни ифодалайди

Тўқ кўк — сирли аёл сиймоси ва оддий кулай кундалик либосларга хосдир.

— Урфдаги кийимларга қандай миллий орнаментлар кўйиб ёки тикиб кийса бўлади?

— Урфдаги замонавий кийимларга ўзбек миллий каштацилигининг исталган туридан қўллаш мумкин. Бунда Бухоро зардўзлиги, Сурхондарё, Қашқадарё каштацилиги, попоп, босма кашта элементларини, абр матолари тасвирларини, принт, аппликация, бисер ёки лазер ёрдамида матодан гул кесиб безак сифатида қўллаш мумкин.

— **Кузги лиbosларга қандай миллий аксессуарларни тавсия киласиз?**

— Кузги лиbosларга миллий элементлардан нусха туширилган батик ва босма техникасидан фойдаланилган шарфлар, миллий орнаметлар акс эттирилган белбоғлар, миллийлик асосида замонавийлаштирилган тақинчоқлар, миниатюра ва эркин расм солиш техникасидаги соатлар, абр матоси элементидан фойдаланилган, чармдан тикилган тўғри кўринишдаги сумкаларни тавсия этамиз.

— **Мавсумга мос кийимлар ва аксессуарлар тайёрлашда, умуман бирор ранг ёки кийимни урфга киритишида қандай манбаларга асосланасизлар?**

— Бу кенг қамровли иш. Дунё лиbos усталари ишлари, миллий дизайннерларимиз тавсиялари, табиат, иқлим, миллий менталитет сингари кўп жиҳатлар ўрганиб чиқилади. Баъзан бу ўз-ўзидан рўй беради. Эътибор берсангиз, кейинги пайтларда йилнинг барча фаслларида атлас ва адрес матосидан кўйлаклар, костюмлар, пиджаклар, айниқса, санъаткорлар учун саҳнабоп кийимлар кўп тикилмоқда. Бу ўз-ўзидан миллий матоларимизга кўпроқ мурожаатни келтириб чиқаради. Мода ёки бирор ранг ва бичимнинг урфга кириши кўпроқ дизайннерларнинг мода ҳафталиклари учун яратган лиbosларида, мавсумбоп кийимлар ишлаши билан рўёбга чиқади.

— **Мазмунли сұхбатингиз учун раҳмат.**

— Аёл киши нафақат кўча-кўйда ва тўй-ҳашамда, балки уйда — оила даврасида ҳам гўзал ва жозибали бўлиши зарур. Фарзандлари, умр йўлдоши энг латофатли аёл тимсолини ўз уйида кўrsa, қандай яхши. Бунда аёлларимиз ўз диди, нафосати, фасоҳатига таянадилар. Бу борада мутахассислар тавсияларини ҳам инобатга олиш фойдадан ҳоли бўлмайди.

Нигина ФУЛОМОВА сұхбатлашди





1kir-fikrlar

Фарзанд эр-хотин муносабатини янада мустаҳкамлайди. Бола туғилгунга қадар ўзаро урушган бўлишса, энди бир ёқадан бош чиқариб, болани уришишади.

Чала файласуфнинг мулоҳазаси.

«Ҳаётда кутилмаган воқеалар бўлиб туради, тайёр тур» деб ақл ўргатаётган ўртоғим жағига бир мушт тушириб, «Кутмагандинг-а?» дедим. У оғзини ланг очганча қолаверди.

Икки дўстнинг сухбатидан.

«Хуррак ҳам қўрқинчи бўладими?» «Албатта. Айниқса, сени машинада олиб кетаётган ҳайдовчининг хуррагидан қўрқинчилиси йўқ».

Устознинг шогирдига айтгани.

Мени ёқтирмайдиганлар ҳам борлигини тўғри тушунаман. Ҳамманинг ҳам диidi зўр эмас, ахир.

Концертига ҳеч ким кирмаган хонанданинг ҳасрати.

Боқаётган итинг сени одам деб ҳисоблайди. Унинг ишончини оқла. Одам бўл.

Янги бойнинг итбоқарга айтгани.

Мусахҳих дафтаридан

Қалбимда унга нисбатан умуман жин (**кин**) йўқ.

Ҳозирги ҳолатингда сенга ёрдам берадиган ягона нарса қабр (**сабр**).

Кел ошна, шу тўпингни менга от (**сот**).

Сиз унинг сомон (**камон**) қошларини кўрганмисиз?

Нимасини айтай, укам, қалбида гарди (**дарди**) йўқ инсон бўлмаса керак.

Мен умуман эрим(**ирим**)га ишонмайман.

Машҳурлар ҳаётидан

Эрнест Хемингуэй овга жуда ишқибоз экан. Кунлардан бир куни у ов саргузаштаридан гапириб бераётгандага тингловчилардан бири сўраб қолибди:

— Айтишларича, агар одам кўлида ёниб турган машъала олиб юрса, унга ёввойи ҳайвонлар ҳужум қилмас экан. Шу тўғрими?

— Бу машъалани қандай тезликда олиб юришга боғлиқ, — деб жавоб берибди машҳур ёзувчи.

* * *

Француз мутафаккири Монтен шундай деган экан:

— **Менимча, дунёда энг тўғри тақсимланган нарса — ақл!**

— **Нега бундай деб ўйлай-сиз?**

— **Чунки шу маҳалгача ҳали ҳеч ким ақли камлигидан нолимаган.**

* * *

Бернард Шоудан сўрашибди:

— Сиз қандай қилиб ҳозиржавоблик билан ақлли гапларни топасиз?

— Э, бундан осон нарса йўқ, — дея жавоб берибди машҳур ёзувчи, — беъмани нарсаларни хаёлимдан ўтказаман-да, кейин тескарисини айтаман.

* * *

Машҳур итальян композитори Rossiniiga ёдгорлик ўрнатмоқчи бўлишганда у ўттиз ёшда эди.

Шаҳар маъмурияти буни билдириб қўйиш учун унинг олдига вакил юборди.

— Ёдгорлик қанчага тушаркин? — деб сўради ёш санъаткор.

— Уч юз минг лира.

— Нима? Уч юз минг лира?

— дея хитоб қилди Rossini.

— **Ўша пулни ўзимга бера қолсанглар-чи? Мен бунинг эвазига Римнинг марказий кўчасида кунига бир неча соат тик туриб бераман.**

«НОДИР АСАРЛАР» — ТОПҚИРЛИК МАШҚИНИНГ ЖАВОБЛАРИ:

МУАММОНОМА

Калит сўзлар: 1. «... нафоис». 2. «Баҳористон». 3. «Мубайин». 4. «Широк». 5. «Тўмарис». 6. «Оташкада». 7. Ёднома.

Шакл атрофида: «Бобурнома». «Шайбонийнома». «Ҳақиқатнома». «Сиёсатнома». «Кийикнома». «Офариннома». «Мусибатнома». «Садоқатнома». «Сафарнома». «Рўшноинома».



«УСТОЗГА ТАЪЗИМ» КРОССВОРДИ

Занжир ҳолида: 1. Биринчи ўзбек профессори, ёзувчи, олим, давлат ва жамоат арбоби. 2. Геродот асос солган фан. 3. Алгебра фани асосчиси, ўрта аср қомусий олими, ватандошимиз. 4. Билим олиш, дарс. 5. Устоз ўзбек педагоги, Ўзбекистонда хизмат кўрсатган ўқитувчи, илк «Алифбе» дарслиги муаллифи. 8. Янги усулдаги мактаблар учун дарсликлар ёзиб қолдирган маърифатпарвар. 9. «Олти тилли лугат» тузган наманганлилук ўзбек маърифатпарвари, тилшунос. 10. Билим бериш, малака ҳосил қилиш жараёни. 15. Атоқли ўзбек файласуф олими. 16. Устоз жарроҳ, Ўзбекистон ФА академиги, фан арбоби. 17. Ҳусайн Бойқаро саройида муаллимлик қилган адид, «Нодир воқеалар» асари муаллифи. 25. Иход ахли устоз деб билувчи ўзбек мутафаккир шоири. 26. Мумтоз ашула ва мақомлар ижрочиси, Ўзбекистон ҳалқ артисти. 27. Рантасвир устаси, Ўзбекистон ҳалқ рассоми.

Энига: 6. Инсоннинг фикрлаш қобилияти. 11. Абу Райхон Беруний таърифича: «Сўзловчи истагини тингловчига етказувчи таржимон.» 14. Мақолдан: Кўз бор — кўрмоқ учун, ... бор билмоқ учун. 19. Зиё, ёғду. 20. Маърифат ҳомийси, ўз даврида дарслик сифатида фойдаланилган «Туркий гулистан ёхуд аҳлоқ» асари муаллифи. 23. Араб алифбоси ҳарфи. 24. Кишилик олмоши. 28. Қатъий сўз, қарор.

Бўйига: 7. Ўз номи билан аталувчи тасаввfu тарғиботчиси, шайх. 12. Ўзбек алифбосида қўлланилаётган ёзув. 13. Шоираларга устозлик қилган ўзбек ғазалнавис шоираси. 21. Ахлоқ ўргатиладиган фан. 29. Атоқли театр

санъаткори, Отелло образи ижрочиси. 30. Бухоролик устоз зардўз аёл, Ўзбекистон Қаҳрамони. 31. Театр ва кино санъати актёри, Ўзбекистон ҳалқ артисти.

Диагонал бўйича ўнгга: 18. Таникли мухаддис, ватандошимиз. 22. Мумтоз бадиий ижодда ҳамсачиликка асос солган озарбайжон шоири. 30. Ватанимизда қўлланаётган билимни синаш, имтиҳон тури.

Диагонал бўйича чапга: 18. Ўрта аср қомусий олими, биринчи глобусни ихтиро қилган ватандошимиз. 22. Абу Али ибн Синоға илк сабоқни берган устоз, замонасанининг билимдони. 31. Билим ва меҳнатдан эришиладиган мамнунлик, саодат.

МУАММОНОМА

Шакл атрофида мумтоз қасиданавис шоир Камолиддин Биноййинг тўрт мисра ҳикматли сўзи яширинган. Уни кўйидаги қалит сўзлар жавоблари орқали билиб олинг.

1. Сўз санъати — 1, 2, 1, 10, 6, 17, 5.

2. Ўтилган дарслар, ўзлаштириш кўрсаткичлари қайд этиладиган дафтар — 18, 8, 3, 7, 1, 15.



3. Давлат томонидан белгиланган жамиятда кишилар муносабатини тартибга соладиган қонун-коидалар мажмуи — 13, 8, 9, 8, 9.

4. Юксалишнинг ҳар бир босқичи — 12, 4, 16, 4, 7, 1.

5. Кишилик олмоши — 11, 14, 7.

Фозилжон ОРИПОВ тузди

MUZAFFAR YILLAR, NURAFSHON YO'LLAR, QUDRATLI QO'LLAR KAFTIDA YUKSALGAN KO'PRIK



Суратга олиш қизиқ жараён. Кўз кўриб, қалб англаган ҳолат фоторассомнинг маҳорати билан қозға муҳрланади. Энди бу сурат ҳар бир кўрган одам учун ўша лаҳзани яшаш завқини беради.

Таниқли фоторассом Абдуғани Жуманинг ижодий ишларини кузата туриб, хаётнинг ҳар лаҳзасидан завқланадиган, умрнинг тақрорланмас ҳар бир онини мазмунли яшаб ўтиш иштиёки бор одамни кашф қилиш мумкин. Абдуғани Жумани юртимиз ижодкорлари яхши танишади. Адабий-бадиий нашрларда, газета-журналларда фоторассомнинг ишлари тез-тез кўзга ташланади. Уларни таниб олиш, бошқа суратлардан ажратиш осон. Абдуғани Жуманинг ҳар бир ишида ижодкорлик, улкан дид, ёруғликни кашф этиш санъати акс этиб туради. Айниска, ижодкорнинг кейинги йилларда «Бунёдкорлик эпопеяси» деб номланган кўргазмаси фото санъати мухлислари дилидан жой олди.